

永樂大典

卷一萬三千四百
五十

永樂大典卷之一萬三千四百五十

二真

士 虞士二

唐杜工部詩贈衛八處士詩曰。按唐史拾遺云。與李白高適齊名。相友善。時有牛李之爭。疏小者。天寶九載。自京師復歸長安。作。人生不相見。動如參與商。今夕復何夕。共此燈燭光。少壯能幾時。鬢髮各已蒼。訪舊半為鬼。驚呼熱中腸。焉知二十載。重上君子堂。昔別君未婚。兒女忽成行。怡然敬父執。問我來何方。問君未及已。兒女羅酒漿。夜雨剪春韭。新炊間黃粱。主稱會面難。一舉累十觴。十觴亦不醉。感子故意長。明日隔山嶽。世事兩茫茫。陽關之役。此語為暢。漢曰。昭元年。傳。高平氏二子。嗣伯當流。居于濮林。不相能也。后中連嗣伯于南丘。主辰。商人。是日。故辰為高。至。遂。實。沈。于。大。夏。主奉。唐人主稱千金壽。古詩會而安可知。高適詩。廣陵別鄭處士。落日知分手。春風莫斷腸。興來無不慍。才在亦何傷。漢水堪垂釣。江田耐種穡。人生祇為此。猶足傲羲皇。李白詩。贈張公洲草處士。列子居鄭圃。不將衆庶分。草屨適南浦。常恐楚人聞。抱甕灌秋蔬。心閑遊天雲。每將瓜田史。

永樂大典卷一萬三千四百五十

一

耕種漢水濱。時登張公洲。入獸不亂群。并無結穽事。門絕剽竊文。長揖二千石。遠辭百里君。斯為真隱者。吾黨慕清芬。齊賢曰。張公洲在上元縣。列子姓列名禦寇。居鄭圃四十年無識者。國君卿大夫視之。猶家庶也。別賦。送君南浦。傷如之何。南浦楚地。唐高州治南淮縣。乃三巴之地。非此莊子。子貢過漢陰。見一丈人。方將為圃。畦鑿隧而入。身抱甕而出。灌。稍。指。然。用。力。甚。多。而。見。功。寡。子。貢。曰。有。械。於。此。用。力。甚。寡。而。見。功。多。一。日。沒。百。畦。夫。子。不。欲。乎。仰。而。視。之。曰。奈何。曰。鑿木為機。後重前輕。聚水若抽。數如沃湯。其名曰楛。為圃者忿然作色而笑曰。吾聞之。吾師有機械者。必有機事。有機事者。必有機心。機心存於胸中。則純白不備。純白不備。則神生不定。神生不定者。道之所不載也。吾非不知羞而不為也。司馬氏李氏注。楛。結。穽。也。人曰。孔子逃於大澤。入獸不亂群。入鳥不亂行。史貨殖傳。剽竊文。不如倚市門。漢書。鄭食其大槓不拜。漢志。郡太守秩二十石。後漢書。即官出宰百里。論語。吾黨之小子狂簡。士賈曰。陶潛詩。平生瓜田中。陸機文賦。誦先人之清芬。贈閭丘處士。賢人有素業。乃在沙塘陂。竹影掃秋瓦。荷花落古池。閑讀山海經。散帙卧遙帷。且耽田家樂。遂曠林中期。野酌勸芳酒。園蔬烹露葵。如能樹桃李。為我結茅茨。齊賢曰。北山移文。焚芟製而裂荷衣。

永樂大典

卷一三四五〇

說文佚書衣。楊惲書曰。田家作苦林中。如竹林七賢之類。問居賦。謀其
 舍露。趙鞅謂陽虎曰。樹桃李者。夏得休息。秋得其實焉。淮南子曰。聖人處
 頃堵之室。災之以生茅。士贊曰。鄒嘆撰山海經二十三卷。入註山海經圖
 贊二卷。謝靈運詩。凌湖尋我室。贈丹陽橫山周處士惟長。周子橫山隱。
 開門臨城隅。連峯入戶牖。勝槩凌方壺。時枉白紵詞。放歌丹陽湖。水色微
 溟渤。川光秀菰蒲。當其得意時。心與天壤俱。閑雲隨卷舒。安識身有無。抱
 石耻獻玉。沉泉笑探珠。羽化如可作。相攜上清都。齊賢曰。唐志。宣州廣德
 縣有橫山。毛詩。使我於城隅。列子。渤海之東。有土山。三曰方壺。唐禮樂志。
 白紵。吳舞舟。陽湖。保當。金勝。鮑照詩。穿池似溟渤。謝靈運詩。菰蒲清淺。
 建康實錄。殷禮與張溫使蜀。諸葛亮見而嘆曰。江東菰蒲中。有此奇才。張
 景陽詩。名與天壤俱。何敬祖詩。懸象連卷舒。東都賦。沉珠於水。士贊曰。莊
 子善卷曰。余道遠於天地之間。而心意自得也。淮南子曰。至道無為。一龍
 一蛇。盈縮卷舒。與時變化。陶潛詞曰。雲無心而出岫。獻王卞和事見二卷。
 列子。范氏有子曰。子華善養私名。舉國服之。木主于伯范氏之上客。出行
 宿於田史商丘阿之舍。相與言子華之名。能使存者亡。亡者存。富者貧。
 貧者富。商丘阿先寤於飢寒。潛聽之。因假種荷奉之子華之門。子華之門

永樂大典卷一三四五〇

徒。皆世族。顧見商丘阿年老。行侮款結。止所不為。曰。指河曲之淮。隔曰。彼
 中有寶珠。冰可得也。商丘阿從而冰之。既出。果得珠焉。衆訪問疑。俄而范
 氏之藏大。大。子華曰。若能入火取珠者。從所得多少賞。若商丘阿往。無難
 色。入火往。運珠不侵。身不焦。范氏之賞。以為有道。乃共謝之。商丘阿曰。吾
 之道。雖吾之心。亦不知所以。象子二客之宿吾舍也。則象范氏之勢。吾誠
 之無二心。故不遠而來。及來。以子黨之古。皆實也。惟恐誠之之不至。行之
 之不及。不知形體之所措。利害之所存也。心一而已。物無所者。如斯而已。
 今訪知子黨之誠。我追幸。昔日之不焦。溺也。但然而熱。陽然震傳矣。水火
 豈可復近哉。自是之後。范氏門徒。過乞兒。為警。不敢辱也。昔許遵傳曰。自
 漢英劉所終。好道者皆謂羽化矣。楚詞。造旬始而起青都。杜牧樊川集。送
 沈處士赴蘇州。李中丞。招以詩贈行。山城對葉紅。下有碧溪水。溪橋向
 吾路。酒旗誇酒美。下馬此送君。高誦為君醉。念君苞材能。百工在城壘。空
 山三十年。鹿裘挂窓睡。自言隴西公。飄然我知己。舉酒屬吳門。今朝為君
 起。懸弓三百筋。囊書數萬紙。戰賊即戰賊。為吏即為吏。盡我所有無。惟公
 之指使。子曰。隴西公。滔滔大君子。常思檢群材。一為國家治。譬如匠見木。
 礙眼皆不棄。大者為十圍。小者細一指。捐擲與棟梁。施之皆有位。忽然豎

明堂一揮立能致予亦何為者亦受公恩紀處士常有言殘虜為犬豕常恨兩手空不得一馬善今依隴西公如虎傳兩翅公非刺史材常坐巖廊地處士魁奇姿必展平生志東吳鏡風光翠嶽多名寺疎煙壘壘秋獨酌平生思因書問故人能忘批紙尾公或憶姓名為說都憔悴 贈宣州元處士 陵陽北都隱身世兩忘者蓬蒿三畝居寬於一天下樽酒對不酌然與玄相話人生自不足愛嘆遭逢寡 洛中送冀處士東遊 處士有儒術走可扶舟斲壇宇寬帖帖符彩高首首不愛事耕稼不樂干王侯四十餘年中超超為浪遊元和五六歲客于幽魏州幽魏多壯士意氣相淹留劉濟願跪履田興請建善處士拱兩手笑之但掉頭自此南走越尋山入羅浮願學不死藥粗知其來由却於童頂上蕭蕭玄髮抽我作八品吏洛中如繫囚忽遭冀處士路若登高樓拂榻與之坐十日不語休論今星際繁考古寒飈颺治亂掘根本蔓延去勢相牽鈞武事何暇壯文理何優柔顏回捧俎豆項羽橫戈矛祥雲繞毛髮高浪開咽喉但可感鬼神安能為獻酬奸人天子夢刻像來爾求胡為去吳會欲浮滄海舟贈以蜀馬善副之胡罰裘錢酒載三斗東郊黃葉稠我感有淚下君唱高調酬嵩山高萬人洛水流千秋往事不可問天地空悠悠四百年矣漢三十一代宗周二

水樂堂卷之三

三里遺堵八九所高丘人生一世內何必多悲愁謂聞解携去信非吾輩流 酬張祐處士見寄長句四韻 七子論詩誰似公曹劉須在指揮中 薦街昔日知文舉今似相公曾表薦處士乞火無人作蒯通北極樓臺長掛夢西江波浪速吞空可憐故國三千里虛唱得解滿六宮處士詩曰故園三千里深宮二十年一竿河漢子雙淚落君前 贈李處士長句四韻 王函怪蝶蝶靈篆紫洞香風吹碧桃老翁四百牙爪利擲大萬里精神高 鶴齋祥雲隨步武紫泉秋塚漢蓬蒿三山朝去鹿非久蛇女當聽織羽袍 庾亮詩和李少保遙傷周處士 冥漠爾遊岱淒涼余向秦雖言異生死同是不歸人昔余仕冠蓋值子僻風塵望氣求真隱司關待逸民忽聞泉石友楚桂不防身悵然張仲蔚悲哉鄭子真三山猶有鶴五柳更應春 遂今從渭水投釣住江濱 摩隱詩寄實處士二首 蘭亭醉客獨知聞欲問平安隔海雲不是金陵錢太守世間誰肯更容身 龜背樓臺拂白榆 此中樵客亦踟躕半山道士無仙骨却向人間作酒徒 酬章處士見寄 中原甲馬未曾安今日逢君萬事端龍後幾回椰夢隔別來何處路行難 霜鱗共落三門浪重鬢同歸七里灘何必新詩更相戲小樓吟罷暮天寒 白居易詩送王處士 王門豈無酒僕門豈無肉主人肯且驕待客禮

不足望塵而拜者。朝夕走碌碌。王生獨拂水。避舉如雲鶴。寧歸白雲外。飲水卧空谷。不能隨衆人。欲手低眉目。扣門與我別。沽酒留君宿。好去未微人。終南山正綠。招蕭處士。峽內豈無人。所違非所思。門前亦有客。相對不相知。仰望但雲對。俯顧惟妻兒。寢食起居外。端然無所為。東郊蕭處士。聊可與閒眉。能飲滿杯酒。善吟長句詩。庭前吏散後。江畔路乾時。請君携竹杖。一赴郡齋期。過鄭處士。聞道移居村。鳩間竹林多。處獨開關。故來不是求他事。暫借南亭一望山。韓昌黎詩。送石處士赴河陽幕。長把種封書。人云避世士。忽騎將軍馬。自號報恩子。風雲入壯懷。泉石別幽耳。鉅鹿師欲老。常山險猶恃。豈惟彼相愛。固是吾徒壯。去去事方急。酒行可以起。儲光義詩。酬李處士山中見贈。厥初遊太學。相與主周旋。舍米共朝暮。知言同古先。孟陽題劍客。玉座如司龍。有子雲獻甘泉。斯須曠千里。婉婉將十年。年來鮑陽月。好鳥鳴翩翩。同聲既求友。不肖亦懷賢。引領逢芳信。果狂瑤華篇。成頌非其德。高文徒自妍。聲塵邀超越。此興起孤絕。始信郢中人。乃能歌白雪。跋余北堂夜。握筆酬明哲。綠竹動清風。曾軒靜華月。想象南山下。恬然謝朝列。猶恐鷓鴣鳴。坐看芳草歇。遊以青松色。同之白華紫。永願登龍門。甘心持此節。待李詩云。青青北松柏。貽余處士

水樂大典卷萬三千四百五

四

故園至新浦。往復未百里。北望是他邦。紛吾即遊士。潮來津門啓。罷檝信流水。客意乃成歡。舟人亦相喜。遲遲菱芡上。泛泛菰蒲裏。漸聞商旅喧。猶見鳧鷖起。市亭忽雲構。方物如山峙。吳王昔喪元。隋帝又滅祀。停艦一以眺。太息興亡理。秋苑故池田。官門新柳杞。我行苦炎月。乃及情吳始。此地日逢迎。終思隱君子。莫言異舒卷。形音在心耳。賈島詩。送耿處士。一稅離別酒。未盡即言行。萬水千山路。孤舟幾月程。川原秋色靜。蘆葦晚風鳴。迢遞不歸客。人傳虛隱名。憶吳處士。半夜長安雨。燈前越客吟。孤舟行一月。萬水與千岑。島嶼夏雲起。汀洲芳草深。何當折松葉。拂石剡溪陰。憶江上吳處士。聞圓揚帆去。蟾蜍虧復圓。秋風吹渭水。落葉滿長安。此地聚會夕。當時雷雨寒。蘭橈殊未返。消息海雲端。張籍詩。贈梅處士。早聞聲價滿京城。頭白江湖秋曠情。講易自傳新注義。題詩不著舊官名。近移馬跡山前住。多向牛頭寺裏行。天子如今議封禪。應將束帛請先生。寄梅處士。擾擾人間是與非。官閑自覺省心機。六行班裏身常下。九列符中事亦稀。市客慣曾賒敗藥。家僮驚見着新衣。君今獨得居山樂。應笑多時未辨歸。許渾詩。贈鄭處士。道傍年少莫矜誇。心在重霄鬢未華。揚子可曾過百里。魯人何必敬東家。寒雲曉散千峯雪。暖雨晴開一運

永樂大典 卷一三四五〇

花且賁湖田釀春酒與君書紉是生涯。寄陽陵處士。舊隱青山紫桂
陰。一書迢遞寄歸心。謝公樓上晚花盛。揚子宅前春草深。吳岫雨來溪鳥
浴。楚江雲暗嶺猿吟。野人寧憶滄洲畔。會待吹簫定至音。潮上逢元處
士東歸。瘦馬頻嘶灞水寒。潮南高處望長安。何人更結玉生襪。此客虛
彈貢氏冠。江上罾螿沙渺渺。橋中蝸殼雪漫漫。舊交已變一作孟新知少
却伴漁郎把釣竿。送林處士自閩中道越由霅抵兩川。書紉少青眼
煙波初白頭。柳開背梨嶺。客路轉蘋洲。處困道難固。乘時思易酬。鏡中非
訪戴。劍外欲依劉。高枕海天暝。落帆江雨秋。鼉聲應遠鼓。蜃氣學危樓。智
士後千慮。達人經百憂。唯聞陶靖節。多在醉鄉浮。一作狂。送湯處士
反初卜居曲江。鴈門歸去遠。垂老脫袈裟。蕭寺休為客。曹溪便寄家。綠
琪千歲樹。黃檗四時花。別怨應無限。門前桂水斜。送魚思別處士歸有
候。讎罷衆賓散。長歌携一枝。溪亭相送遠。山郭獨歸遲。風檻夕雲散。月
軒寒路滋。病來雙鬢白。不是舊離時。別韋處士。南北斷蓬飛。別多相
見稀。更傷今日酒。未換昔年衣。舊友幾人在。故鄉何處歸。秦原向西路。雲
晚雪霏霏。題韋處士山居。斲藥去還歸。家人半掩扉。山風藤子落。溪
雨豆花肥。寺遠僧來少。橋危客度稀。不聞碓杵動。應解剪荷衣。贈高處

永樂卷萬辛四首

五

士。宅前雲水滿。高興一書生。垂釣有深意。望山多逸情。夜棋留客宿。春
酒勸僧傾。未作干時計。何人問姓名。贈王處士。歸卧養天真。鹿裘烏
角巾。茂陵聞久病。彭澤醉長貧。冠蓋西園夜。笙歌北里春。誰吟清渭曲。一
作上又老釣魚人。尋戴處士。車馬長安道。誰知大隱心。蠻僧留古鏡
蜀客寄新琴。晒藥竹齋暖。搗茶松院深。思君一相訪。殘雪伴山陰。送宋
處士。賁藥修琴歸去邊。山風吹落桂花枝。世間甲子須臾過。蓬著仙翁
莫看茶。過一作事。贈何處士。東別茅峯北。去泰梅仙書裏說。知人白
頭。王印青山下。雖過唐僧不敢親。張祐詩贈處士。小徑上山山甚小。每
憐僧院笑僧禪。人間莫道無難事。二十年來已是玄。題贈崔權處士
續畫儒書鬢皓然。身遊城市意林泉。已因駿馬成三運。猶恨胡麻欠一塵。
真玉比來曾不磷。直鈞從此更誰憐。遺民莫恨無高躅。陶令而今亦甚賢。
孟浩然詩宿揚子津寄潤州長山劉處士。所思在建業。欲往大江深。日
夕望京口。煙波在我心。心馳茅山洞。目極楓樹林。不見少微隱。星霜勞夜
吟。尋裝處士。涉水更登陸。所向皆清貞。寒草不藏徑。靈峯知有人。悠
哉鍊金客。獨與煙霞親。曾是欲輕舉。誰言空隱淪。遠心寄白月。一作日華
髮迴青春對此欽。勝事胡為勞我身。李商隱詩贈鄭諫處士。浪跡江湖

永樂大典

卷一三四五〇

白髮新。浮雲一片是吾身。寒歸山館隨暮局。暖入汀洲逐釣輪。越桂留烹
 張翰鱸。蜀薑供煮陸機尊。相逢一笑憐疎放。他日扁舟有故人。 崔處士
 真人塞其內。夫子入於機。未有投竿起。唯歎負耒歸。雪中來郭履。堂上
 老萊衣。讀徧先賢傳。如君事者稀。司空曙詩。過終南柳處士。雲起山蒼
 蒼。林居蘿薜荒。幽人老深境。素髮與青裳。雨絲葦苜綠。風擺松桂香。洞泉
 分溜淺。巖笋出叢長。敗履安松砌。餘基在石床。書名一為別。還路已堪傷。
 盧綸詩。過終南柳處士。王老正相尋。國碁到黃金。石摧丹井閉。月過洞
 門深。猿鳥三時下。藤蘿十里陰。綠泉多草氣。青壁少花林。自愧非仙侶。何
 言見道心。慙哉宿山口。雷雨夜沉沉。皮日休詩。寄毗陵魏處士朴。文籍
 先生不肯官。絮中銜雪把魚竿。一堆方冊為侯印。三級幽巖是將壇。醉少
 最因吟月斧。瘦多偏為卧雲寒。充皮衾暖蓬舟穩。欲共誰遊七里灘。陸龜
 蒙詩。奉和。經苑初成墨沼開。何人林下肯尋來。若非宗測圖山後。即是
 韓康賣藥迴。溪積自吟朱鷺曲。沙雲還作白鷗媒。唯應地主公田熟。特送
 君家麩菓材。韋應物詩。寄裴處士。春風駐遊騎。晚景澹山輝。一問清泠
 子。獨掩荒園扉。草木雨來長。里閭人到稀。方從廣陵宴。花落未言歸。 谷
 裴處士。 遺民愛精舍。乘積入青山。來署高陽里。不過日夜還。禮賢方化

永樂大典卷一三四五〇

六

俗聞風自歎。關况子逸群。士栖息蓬蒿間。李群玉詩。贈方處士。白衣方
 外人。高閑溪中鶴。無心戀稻粱。但以林泉樂。亦宵終得意。天池俟魚躍。歲
 晏入帝鄉。期君在寥廓。 送房處士閑遊。 採藥陶真白。尋山許遠遊。刀
 圭藏妙用。巖洞契冥搜。花月三江水。琴樽一葉舟。羨君隨野鶴。長揖稻粱
 愁。 贈方處士兼以別。 天與雲鶴情人閑。恣詩酒。龍宮奉採覓。瀕洞
 一千首。清如南薰絲。韻若黃鐘吼。喜於風騷地。忽見陶謝手。藉藉九江西
 篇篇。在人曰芙蓉。為芳菲。未落諸花後。所知心眼大。別自開戶牖。才力似
 風鶴。誰能弄升斗。無營傲雲竹。琴帙靜為友。鸞鳳戢羽儀。騏驎在郊數。鏡
 湖春水綠。越客憶歸否。白衣四十秋。道遙一何久。此身無定跡。又逐浮雲
 走。離思書不窮。殘陽落江柳。王建詩。贈王處士。 松對當街雪。滿池青山
 掩帳。一作障。碧紗帷。鼠來案下長偷水。鶴在床前亦看書。道士馬將行氣
 法。家童授與步虛詞。世間有似君應少。便乞從今作我師。 雨中寄東溪
 韋處士。 雨中溪破無乾地。浸着床頭濕着書。一箇月來山水隔。不知茅
 屋若為居。劉大房詩。送王處士歸州。 因寄林山人。 陵陽不可見。獨往復
 如何。舊邑雲山裏。扁舟來去過。鳥聲春谷靜。草色太湖多。儻宿荊溪夜。相
 思漁夜歌。 送裴處士。 岡田北川下。靜者去躬耕。萬里空江莫。孤舟過

郢城種荷依野水。移柳待山鷺。出處安能問浮雲。豈有情。宿懷仁縣南
 湖寄東海荀處士。向夕飲微雨。晴開湖上天。離人正惆悵。新月愁輝
 佇立白沙曲。相思滄海邊。浮雲自來去。此意誰能傳。一水不相見。千峯隨
 客船。寒塘起孤雁。夜色分鹽田。時復一延首。憶君如眼前。杜荀鶴詩。亂後
 再逢汪處士。如君真道者。高世有閑情。每別不知處。見來長後生。藥非
 因病服。酒不為愁傾。笑我與身苦。吟罷白數莖。秋日山中寄李處士
 吾輩道無窮。寒山細雨中。兒童書懶讀。菓樹將空。言論關時務。篇章見
 國風。弄平猶可用。應不廢為公。寄實處士。津水醉中別別來猶未醒
 半生因酒廢。犬國幾時寧。海畔將軍柳。天邊處士星。遊人不可見。春入亂
 山青。項斯詩。咸陽別李處士。古道自迢迢。咸陽離別橋。越人逢水處。秦
 樹帶烟朝。駐馬言難盡。分程望豈違。秋來未相見。此意各蕭條。寄富春
 孫路處士。平生醉與吟。誰是見君心。上國一歸去。滄江開至今。鍾繁秋
 寺近。岸闊晚清深。跡放長如此。何人更得尋。朱餘慶詩。酬李處士見贈
 干上非無援。才多却累身。雲霄未得路。江海作閑人。久別唯謀道。相逢不
 詰貧。行藏一如此。可使老風塵。李頻詩。送胡休處士歸湖南。見說荆湘
 切。長愁有去時。江湖秋涉遠。雷電夜眠遲。舊業多歸興。空山盡老期。天寒

水樂齋卷五 辛酉年

一臥酒落日醉留誰。李濟詩。送凌處士赴連州遊。連山群書至。策馬出
 長安。落日對酒別。晚關衝雪寒。霜飛湖草綠。春近嶺梅殘。知己雲霄在。那
 言欲掛冠。趙暇詩。送辛處士歸朔方。映柳見秋色。故山當落暉。青雲數
 知己。白首一身歸。滿岫蕭關路。連沙塞鴈飛。到家翻有淚。惜取老萊衣。孟
 賁詩。酬東溪史處士。咫尺東溪路。年來偶訪遲。泉聲迷夜雨。花片落空
 枝。石徑僧逢出。山床鶴見移。貧齋有琴酒。曾許月圓期。寄李處士。僧
 話磻溪史。平生重赤松。夜堂悲蟋蟀。秋水老芙蓉。吟坐倦垂釣。閑行多倚
 筇。聞名來已久。未得一相逢。夏日寄史處士。掩關苔滿地。終日生騰
 騰。暑氣冷衣葛。暮雲催燭燈。寂寥知得趣。踈懶似無能。還憶舊遊否。何年
 別杜陵。鄭谷詩。寄贈孫路處士。平生詩譽更誰過。歸老東吳命若何。知
 已凋零垂白髮。故園寥落近滄波。酒醒蘚砌花陰轉。病起漁舟鷺跡多。深
 入富春人。不見閑門空掩扉。庭莎。蔡處士。無着復無求。平生不解愁。
 驚蔬貧淨潔。中酒病風流。音趣陶山相。詩篇沈隱侯。小齋江色裏。雜桂繁
 漁舟。寄題方干處士。山雪照湖水。深舟湖畔歸。松篁調逸韻。臺榭發
 清輝。野岫分開徑。漁家並掩扉。春年詩力在。新句更幽微。梁燭處士辭
 金陵相國杜公歸舊山。因以寄贈。相庭留不得。江野有苔磯。兩浙尋山

過孤舟載鶴歸。世間書讀盡。僧外客來稀。諫署搜賢急。應難借布衣。王貞白靈溪詩贈彭蠡處士。不阻兵散亂。穿揚已疊雙。文深李北海。詩淨賈長江。退隱新山藥。醉眠凭酒缸。年年搜草澤。未便老書牕。贈劉台處士。擺落塵埃深處隱。欲將麋鹿泥高蹤。兵機不讓韓擒虎。笑癖微方陸士龍。月窟常留丹桂在。家山貪卧白雲重。聖朝有詔徵遺逸。莫挂頭冠著洞松。曹松詩贈胡處士。年光離岳色。帶疾卧南原。白日與無事。俗人嗔閉門。樵漁臨片水。野鹿入荒園。莫問榮華事。清霜點髮根。浙右贈陸處士。靜節灌園餘。得非成隱居。長當庚子日。獨拜五經書。白浪吹亡國。秋霜洗太虛。門前走京口。身外不營儲。韓偓詩贈易卜崔江處士。未州。白首窮閒龜策妙。九霄堪嘆鶴書遲。室中日月將何用。借與閑人試一窺。贈湖南李思齊處士。兩板船頭濁酒壺。七絃琴畔白髭鬚。三春日日黃梅雨。孤客年年青草湖。燕俠冰霜難狎近。楚狂鋒刃觸凡愚。知余絕粒窺仙事。許到名山看藥爐。呂和叔詩道州夏日郡內北橋新亭書懷贈何元二處士。結構池梁上。登臨日幾迴。晴空交密葉。隱岸積蒼苔。爽氣中央滿。清風四面來。振衣生羽翰。高枕出塵埃。齊物魚何樂。忘機鳥不猜。閑銷爽畫

永樂大典卷萬三千四百

八

盡靜勝火雲開。僻遠宜羸性。優游賴廢材。願為長泛梗。莫作重燃灰。守道窮非過。先時動足災。寄言徐孺子。賓榻且徘徊。道州敬酬何處士書情見贈。意氣曾傾四國豪。偶來幽寺息塵勞。嚴陵釣處江初滿。梁甫吟時月正高。新識幾人知杞梓。故園何處長蓬蒿。期君自致青雲上。不用傷心歎二毛。道州敬酬何處士懷郡種月夜之作。清質悠悠素彩融。長川迥陸合為空。佳人甚近山城閉。一夜相望水鏡中。送戴處士謁楊侍郎。羸馬孤僮鳥道微。三千客散蜀南歸。山公念舊偏知我。今日因君淚滿衣。李洞詩送包處士。秋思枕月卧蒲相。寄宿慈恩竹裏房。性急却於茶上慢。身閑未免藥中忙。休拋手網鷺龍睡。曾掛頭巾拂鳥行。聞說石門君。舊隱寒風濺瀑瑤。書堂送醉畫王處士。幾年來興住南吳。狂醉蘭舟夜落湖。別後鶴毛描轉細。近來牛角飲還籠。同餐夏果山何處。共釣秋清石在無。關下相逢怪子老。扁章後思繞寰區。宿鄆郊贈羅處士。川靜星高果已枯。南山落石水聲竊。白雲釣客牕中宿。卧數嵩峯聽五湖。伍喬詩寄史處士。長羨閑居一水湄。吟情高。有誰知。石樓待月橫琴久。漁浦經風下釣遲。幽園落花多掩徑。舊山殘燒幾侵籬。松門別後無消息。早晚重為清話期。寄落星史虛白處士。白雲峯下古溪頭。曾與提壺懶

永樂大典

卷一三四五〇

燮遊登閣共看彭蠡浪圍爐同憶杜陵秋。棋玄不厭通宵弄。句妙多容隔
歲酬。別後相思時一望。暮山空碧。水空流。方玄英詩題玉笥山。強處士
酒裏藏身。岳裏居。削繁自是一家書。世人呼爾為漁史。爾學釣璜非釣魚。
贈中巖王處士 垂楊裊裊草芊芊。氣象清虛學洞天。拔筆便成鸚鵡
賦。洗花須用桔槔泉。商於避世堪同日。渭曲逢時必有年。直恐剛腸開未
得。醉吟爭奈被才牽。贈黃處士 閉戶先生無是非。竹灣松樹藕苗肥。
愁吟容雪思難盡。醉倒殘花扶不歸。若出薜蘿迎鶴簡。應拋舴艋別漁磯。
到頭苦節終何益。空改文星作少微。贈錢楚湖上唐處士 我愛君家
似洞庭。衝灣潑岸夜波聲。蟾蜍影裏清吟苦。舴艋舟中白髮生。常共酒杯
為伴侶。復聞紗帽見公卿。莫言舉世無知己。自有孤雲一作烟霞。識此情。
李中持訪蔡文慶處士留題 幽人棲息處。一到滌塵心。鮮色花陰闌。蒼
聲竹暎深。籬根眠野鹿。池面戲江禽。多謝相留宿。開樽拂素琴。贈胡亮
處士 著得新書義更幽。負琴何處不遨遊。玄宮寄宿月華冷。羽客伴吟
松韻秋。滿戶煙霞思紫閣。一帆風雨憶滄洲。吾君側席求賢切。未可懸瓢
枕碧流。吉水春暮訪蔡文慶處士留題 無事無憂鬢任蒼。濁醪閑酌
送韶光。溟濛雨過池塘暖。狼藉花飛硯席香。好古未嘗疎典冊。懸圖時要

永樂齋卷之三

九

看滿湘戀君清話。難留處。歸路迢迢。又夕陽。高常侍詩。廣陵別鄭處士
落日知分手。春風莫斷腸。興來無不愜。才在亦何傷。漢水堪垂釣。江田耐
挿秧。人生只為此。亦足傲羲皇。贈別晉三處士 有人家住清河源。渡
河問我遊梁園。手持道經注已畢。心知內篇口不言。盧門十年見秋草。此
心惆悵誰能道。知已從來不易知。慕君為人與君好。別時九月桑葉疎。出
門千里無行車。愛君且欲君先達。今上求賢早上書。秦韜玉詩寄李處士
呂望甘羅道已彰。只憑時數為門張。世塗必竟皆應定。人事都來不在
忙。要路種干情本薄。舊山歸去意偏長。因君指似封侯骨。漸擬回頭別醉
鄉。儲嗣宗詩和顧非熊題茅山處士閑居 歸耕地肺絕塵喧。匣裏青萍
未拔恩。濁酒自憐終日醉。古風時得野人言。鳥啼碧樹開臨水。花滿青山
靜掩門。唯有階前芳草色。年年惆悵憶王孫。邵謁詩贈鄭啟處士 善琴
不得聽。嘉玉不得名。知音既已死。良匠亦未生。退居一河湄。山中物景清。
漁沉池水碧。鶴去松枝輕。長材靡大用。大厦失巨楹。顏子不得祿。誰謂天
道平。吳融詩贈方干處士 把筆盡為詩。何人敵夫子。向滿天下口。名昭
天下耳。不識朝不識市。曠道逢閑徒。倚一杯酒。無萬事。一葉舟無千里衣。
棠白雲坐卧。卧流水。霜落風高。忽相憶。忽然見過留一夕。一夕聽吟十數篇。

永樂大典

卷一三四五〇

水榭林蘿為岑寂拂旦捨我亦不辭携琴徑去隨所適隨所適無處覓雲
 半片鶴一隻屬寔詩訪僊源觀陳處士不值 名利本來疎間備兩有餘
 閉門留野鹿帶葉卷殘書林下期何在人間事盡虛萬山青草底恨不有
 吾廬許崇詩寄廬山賈處士 時亦高眠人皆謂不然窮經休望辟餌
 未止期仙彭蠡波涵月鑑峯雪照天常聞風雨夜到曉在漁船 贈處士
 乾坤清氣藹山川畫入詩人舊簡編却羨屬生勤苦志集成佳句世相
 傳李端詩暮春尋終南柳處士 龐眉一居士鴉服隱堯時種豆初成畝
 還丹舊日師入溪花逕遠尚嶺馬行遲紫葛垂苔壁青孤映柳絲偶來塵
 外事暫與素心期終恨遊春客同為歲月悲王無功詩贈程處士 百年
 長擾擾萬事悉悠悠日光隨意落水勢任情流禮樂因姬旦詩書傳孔丘
 不知高枕處時取醉銷愁 山中別李處士拙 為向東溪道人來路更
 賒山中春酒熟何處得停家韋莊詩贈武處士 一身唯一室高靜若僧
 家掃地留疎影穿池浸落霞綠蘿臨水合白道向村斜賈樂歸來醉岑詩
 倚釣查張喬詩寄處士梁燭 賢哉君子風颯與古人同採藥楚雲裏移
 家湘水東星霜秋楚澗雨電夜山空早晚相招隱深耕老此中溫飛卿詩
 贈鄭處士 飄然隨釣艇雲水是天涯紅葉下荒井碧梧侵古槎醉收陶

永樂大典卷一三四五〇

十

今為貧賈邵平瓜更有相期處南籬一樹花周賀詩尋北崗韓處士 相
 過值早涼松帶掃山床坐石泉痕黑登城薛色黃逆風沉寺磬初日晒隣
 桑幾處逢僧說翻來宿北崗耿津詩夜尋盧處士 月高鷄犬靜門掩向
 寒塘夜竹深茅宇秋庭冷石林住山年已遠服藥壽偏長虛棄如吾者達
 君益自傷韓翃詩尋胡處士不過 到來心自足不見亦相親說法思居
 士忘機憶丈人微風吹藥案晴日照茶中幽興殊未盡東城飛暮塵馬戴
 詩春日尋涇川王處士 碧草徑微斷白雲扉晚開罷琴松韻發鑿水月
 光來宿鳥排花動樵童洗竹迴與君同露坐澗石拂青苔曹詩尋劉
 處士 幾年人不見林下掩柴關留客當清夜逢君話舊山隔城寒杵急
 帶月早鴻還南陌雖相近其如隱者閑李頎詩寄鏡湖朱處士 澄霽晚
 流澗微風吹綠蘋鱗鱗遠峯見淡淡平湖春芳草日堪把白雲心所親何
 時可為樂夢裏東山人姚合詩夏日書事寄丘亢處士 暑天難可度豈
 復更持觴樹裏鳴蟬咽宮中午漏長病夫心益躁靜者室應涼幾欲相尋
 去紅塵滿路傍 送王處士 送客客為誰朱門處士稀唯修曾子行
 不着老萊衣古寺隨僧鉢空林共鳥歸壺中駐年藥境得獻庭闈據章蓮花
 妓詩獻陳陶處士 蓮花為號王為腮珍重尚書遣妾來處士不生巫峽

夢虛勞神女下陽臺。武陵詩送魏山韋處士。陰陰亭際閣相顧。慘離
 顏一片雲飛去。嗟我空魏山僧齊已詩。寄鏡湖方干處士。賀監舊山川
 空來近百年。聞君琴與鶴。終日在魚船。島露深秋石。湖澄半夜天。雲門幾
 回去。題徧好林泉。僧尚顏詩。寄方干處士。格外綴清詩。詩名獨得之。開
 居公道日。醉卧牡丹時。海島和濤望。山僧帶雪期。仍聞稱處士。聖主肯相
 知。送獨孤處士。萬里去非忙。惟携貯藥囊。山家消夜景。酒肆過年光。
 立鶴洲。侵浪喧蒼壁。近床誰人館。上路乞得愛。龍方。寄陳陶處士。鍾
 陵門外住。翁似玉沉泥。道真負蝶殺。神清語亦低。雪深加酒債。春盡減詩
 題。記得僧邀宿。山茶又更携。僧皎然詩。訪陸羽處士。不過。太湖東西路
 共王古山前。所思不可見。歸鴻自翩翩。何山賞春茗。何處弄春泉。莫是滄
 浪子。悠悠一釣船。往丹陽尋陸處士。不過。遠客殊未歸。我來幾惆悵。
 叩關一日不見人。遠屋寒花笑相向。寒花寂寂過荒阡。柳色蕭蕭愁暮蟬。
 行人無數不相識。獨立雲陽古木邊。鳳翅山中思古寺。魚竿村口望歸船。
 歸船不見見寒煙。離心遠水共悠然。他日相期那可定。閑僧着處即經年。
 村山禪居寄東谿吳處士。青雲何潤澤。下有賢人隱。路入菱湖深。跡
 與黃鶴近。野風吹白芷。山月徃清軫。詩祖吳叔庠。到君才不盡。身當青山

水樂齋卷萬三晉平

秀詩曰。家住青山下。青下有吳均。故宅復改焉。吳均山。文體多野聲。澄澈
 湘水碧。沉寥楚天清。時人格不同。至今罕知名。昔賢敦師友。此道獨君行。
 既得盧霍趣。乃高雷遠情。別時春風多。拂盡雪山雪。為君中夜起。孤坐石
 上月。悠然遺塵想。邈矣達性說。故人不在茲。幽桂惜未結。荅胡處士
 田山禪隱。比來聞長道。唯應我與君。書上無名心。忘却人間聚散似。浮雲
 薛達詩。題獨孤處士村居。江上園廬。荆作扉。男驅耕犢婦鳴機。林密當
 戶。萬籬暗桑柘。繞村薑芋肥。三畝稻田。還謂業兩閒。茅舍亦言歸。何如一
 被風塵染到老。云云。相是非。陳圖南詩。偶題。十年蹤跡走紅塵。回首青
 山入夢頻。紫陌縱榮華。及睡朱門。雖貴不如貧。愁聞劍戟扶危主。悶見笙
 歌聒醉人。携取舊書歸舊隱。野花啼鳥一般春。溫庭筠詩。題處士盧姑山
 居。西溪問樵客。遙識楚人家。古剎老連石。急泉清露沙。千峯隨雨暗。一
 徑入雲斜。日暮飛鳥散。滿山橋夢花。宋蔡端明詩。送張處士。垂垂秋雨
 洗鵝泥。經畫門前無馬嘶。來靜因題送行什。江南歸思已凄迷。梁園塵土
 著人腥。不似淮山照眼明。愛君心迹曾無繫。一片孤雲去就輕。訪陳處
 士。橋畔脩篁下碧溪。若家尤在此橋西。來時不似人間世。日暖花香山
 鳥啼。寇準詩。贈魏野處士。人間名利走塵埃。惟子高閑晦盛才。欵枕夜

風宜薜荔閉門春。兩長莓苔詩題速。幼經年得僧。總幽軒繼日來。却恐明君微隱逸。漢雲誰得共徘徊。寄贈笠澤處士。笠澤漁人高節奇。白頭猶自着蓑衣。吟過竹院僧留宿。釣罷煙江鶴伴歸。花落砌邊春雨歇。酒醒林際夕陽微。中朝名士皆知已。多說東來信亦稀。宋元憲公集和梵才寄林逋處士。白首江湖傳散人。天授解盡有天真。漢家不惜青蒲貴。終為枚生一暴輪。蘇子美集送安素處士高文悅。皇天稔臣慙。老虜猶顯戮。廟算忽小醜。王師數傾軋。秦民著暴斂。慘慘生意憂。賊氣愈張王。鋒銳不可觸。惟惺監前敗。降心間白屋。尺詔下中天。公車塞章牘。榮慮盡願牧。勇決過責育。先生胃臆大。經術內自足。逸韻脫庠塵。素節抱冰玉。獨耻論兵戰。因時射君祿。不唯吾志乖。亦使王道局。放懷但文史。散髮自溪谷。近臣上薦書。天子渴高躅。旅車三及門。不免至京轍。萬鍾非所好。大議憂鈞軸。孤鸞入紫烟。網罟安可束。天風萬里長。沆瀣朝滿腹。更期下翔集。以為蒼生福。梅聖俞宛陵集同道損持國訪北叟處士。高廬當大道。節士不肯過。窮巷獨東德。車馬一何多。勢力走談諧。禮義服委佗。是以被禍人。長甘北山阿。曰今豈有愧。漁上有行歌。范文正公集訪陝郊魏跡處士。賢哉先處士。天書召不起。雲夫剛孤風。復為隱君子。有石礪其齒。有泉洗其耳。

永樂齋集卷之五

下取紅塵路。榮利無窮已。孜孜朝市人。同在風波裏。大為高士笑。誓不捨青紫。我亦寵辱流。所幸無愠喜。進者道之行。退者道之止。矧今領方面。豈得長城倚。來訪卧雲人。而請益請已。得無長者言。佩之玉非美。贈餘杭吳處士。名動公卿四十秋。相逢仍作旅人遊。青山欲買難開口。白髮思歸易滿頭。厭入市廛如海燕。可堪雲水屬江鷗。故鄉知己方都督。千封春濃種橘休。時胡侍郎守餘杭。和沈書記同訪林處士。山中宰相下巖扃。靜接遊人笑傲行。碧嶂深深驕晚翠。白雲舒卷看春晴。煙潭共愛魚方樂。樵爨誰欺鴈不鳴。莫道隱君同德少。樽前長揖聖賢清。寄贈林逋處士。唐虞重逸人。束帛降何頻。風俗因君厚。文章至老淳。玉田耕小隱。金闕夢高真。龍釣輪生處。慵冠鑑積塵。餌蓮攀岳頂。歌雪扣琴身。星妙青囊秘。丹靈綠髮新。嶺霞明四望。巖筍入諸隣。幾姪替裾盛。諸生禮樂循。朝廷唯薦鴟。鄉黨不傷麟。弔古夫差國。懷賢伍相津。劇談來劍俠。騰嘯山神有。客瞻冥翼無。端預薦紳。未能忘帝力。猶待補天均。早晚功名外。孤雲可得親。與人的訪林處士。阻雨因寄。閑約諸公扣隱扃。江天風雨忽飄零。方憐春滿玉孫草。可恣雲遮處士星。蕙帳未容登末席。蘭舟無賴寄前汀。湖山早晚逢晴霽。重待尋仙入翠屏。寄西湖林處士。蕭索遠家雲

永樂大典

清歌獨隱淪。巢由不願仕。堯舜豈遣人。一水無涯靜。群峯滿眼春。何當伴
閑逸。香酒過諸鄰。寄林處士。片心高與月徘徊。豈為千鍾下釣臺。猶
笑白雲多事在。等閒為雨出山來。寄安素高處士。吏隱南陽味日新。
幕中文雅盡嘉賓。滿軒明月清譚夜。共憶詩書萬卷人。送邢昂處士南
遊。落落空峒一大儒。四方心遠憶江湖。東南賴有林君復。萬里清風去
不孤。趙清獻公集贈蔡山王處士。蔡山深處隱林泉。遠離塵紛僅十年。
已得琴中平淡意。有絃終日似無絃。送張處士。下峽孤舟快似飛。西
江歸去一天涯。鄉人故眼知君否。功行如今無不為。贈濮陽高蒙處士
事了還家不記年。三茅倚侶盡真僊。恰如少華希夷子。十度花殘一覽
眠。先祖太傅贈陳傅之句。司馬溫公傳家集寄清遠魏處士。柳樹三桂
落。臨風歌式微。徒嗟俗緣重。端使素心違。茅閣杉松冷。山園藥草肥。不能
如海鷲。歲歲一飛西。陸放翁詩讀林逋魏野二處士詩。君復仲宣真隱
論。筆端亦自幹千鈞。閑中一句終難道。何況市朝名利人。王黃州小集贈
种放處士。媒堆不誘鳳。由鹿不致麟。終南有嘉士。天子不得臣。板輿入
窮谷。同隱之推親。種木山之阿。採蘭澗之濱。務本不務末。求力不求人。至
孝在盡權。飲水猶欣欣。富貴不以道。刈鼎莫足云。行是有餘力。稽古且學

水樂齋集卷之三 寄李

文稽古不為祿。學問非飾身。立言復垂教。揚孟時有倫。我生落世網。碌碌
隨指紳。直躬多齟齬。左官苦漂淪。妻孥困斗粟。親老無重茵。入山非隱適。
去國頗悲辛。猶願貳車祿。摩挲丹河濱。羨君脫羈鞅。生計在水雲。羨君遺
榮利。居處絕鷲塵。躬耕方肯食。恐露刀耕民。學優終不仕。孰為觀國賓。去
去謝桂籍。行行避蒲輪。巢由自高尚。堯舜徒聖神。况我蟬蛸輩。敢希鸞鶴
群。猶期不遠復。一問迷途津。他年解郡職。願許我為鄰。寄潘閑處士
爛醉狂歌出上都。秋風時節憶鱸魚。江城賣藥長將鶴。古寺看碑不下驢。
一片野心雲出岫。幾莖吟髮雪侵梳。算應冷笑文場客。歲歲求人薦子虛。
贈郝處士。盡見閑人話息機。唯君的箇狀輕肥。盤中藥菜真僧會。箇
裏烟霞舊道衣。江渚鷗鷺情已狎。洛陽櫻筍夢應稀。縣齋喜與書齋近。公
暇何妨扣竹扉。寄汝陽田告處士。汝水年來漲綠波。先生居此興如
何。門連別浦開垂釣。宅枕平沙好種莎。治水共誰言鱉禹。曾著禹元經大
古。治水事著書空自繼。丘軻可憐垂白無人問。却伴漁翁看釣蓑。寄郭
城蕭處士。收藏家譜恐人尋。雨笠烟蓑自稱心。夜踏月華三選小。曉耕
秋色一犁深。庭園縱窄猶栽藥。活計雖貧不賣琴。應笑驅驅未名客。九衢
塵土滿衣襟。張舜民畫墁集庚辰歲仲夏中照處士王荃子真自渭上游

永樂大典

卷一三四五〇

三茅是時僕赴召京師。分秋於永城。聊寫長言。用流行色。君為天下都散漢。我是人間大丈夫。君往茅山住巖嶺。我來汴水入京都。翩翩雲鶴驚鸞馭。汨汨塵埃滿客裾。祇看此行皆可見。不須開口說賢愚。宋景文公詩。李處士。江天迤邐久沉冥。秋入顛毛翠葆驚。原憲桑樞貧不病。子真品石老歸耕。樵風挂席晨昏至。履齒登山上下平。那稻已收霜猶熱。深心寧遂傲侯榮。王沂伊濱集樂善處士。劉君陳誼竟何如。蒲酒城南小隱居。傾蓋交通皆國士。揮金振恤自鄉閭。易名不愧群賢誥。潛德生輝太史書。他日相逢通姓字。定應驚座併簪裾。蘇頌濱集贈王復處士。候潮門外王居士。平昔交遊遍海滄。本種杉松為老計。晚將亭榭付鄰家。為生有道終安隱。好事來遊空歎嗟。猶有東坡舊詩卷。忻然對客展龍蛇。王右軍有同亭。子瞻兄弟名之曰種德。其亭頃以貧故留之。韋先生集贈項子復處士。介似於陵可謂清。老來志操益堅成。肯肩傳會羞衰俗。梓茹優游盡此生。祇以圖書養高性。不繇林藪市虛名。誰編野史防遺逸。當為先生作獨行。劉元城盡言養素句留別李子玉守素處士。行藏由命不由身。一昨東山三十春。誰謂他鄉各異縣。與君相見即相親。故里心期奈別何。幾時回首一高歌。鏡中絲髮悲來憤。他日相逢應更多。詹敦仁詩寄劉乙

永樂大典卷一三四五〇

十四

處士。音問相忘二十秋。天教我輩到南州。無窮風月隨宜樂。有分溪山取次收。好語傳來如昨夢。離情欲剖帶春愁。何時載酒從東下。細與劉君叙昔遊。趙叔靈南陽集贈張處士。應問秋雲學得閑。飄然如不在人間。青藤篋裏詩多怪。紫栗枝邊藥更殷。江客對茶曾賭鶴。野僧分飯借登山。仍聞昨日來城市。又抱孤琴踏月還。張元幹歸來集次韻奉呈公澤處士。屏迹蒼溪少往還。時危尤覺故人歡。相期臘盡屠蘇酒。連享春來首蓓盤。雪夜劇談金賊入。風江絕歎鐵衣寒。何年天上梳頭落。併減穹廬舊契舟。趙蕃淳熙集贈徐處士。南朝文士數徐陵。騎省流風冢法存。翰墨了知無異道。丹青今復見諸孫。規模要自胸中具。繩尺嫌於筆下論。太息藝成頭已白。誰能持使獻金門。吳仲孚詩贈任處士。故園不戀戀西湖。賃得民居作隱居。開口不離仁義字。閉門惟讀聖賢書。老無子息偏伶鶴。閒有工夫儘釣魚。酒熟自斟詩自和。功名一念已消除。呂居仁詩贈歐陽處士。愛君年少便知足。今君雖老更一作詩無欲。閉門不出動經時。保此無窮清淨福。黃衣弟子雜僧徒。共守荒郊數椽屋。門前山水各有態。若但踈籬對修竹。直如李路取有聞。清似之推不言祿。坐看世事雲變化。一任兒曹手翻覆。上皇龍飛三十春。臨軒亦嘗思異人。詔書屢下廣搜索。當時

幾人能識真君時聲名動天子高卧不起空逡巡漫收符籙養丹火一旦
 四海生風塵我來見君斛嶺下識君無管真靜者態慙愛我莫遽行尚肯
 相從結茅舍時當喪亂足淹留豺狼恣橫空山夜它年有意過匡廬一作
 廬山更許淵明入蓮社陳造江湖長翁集急筆贈歐處士酒所歸索去甚
急作此送之故善書山水南州江山昔所歷雨峰點澗晴江碧幾年思之
 忽墮前政得歐生醉時筆斯人歷覽山川奇得興落筆天露機不須十日
 五日一水石已可王宰相攀追相逢便整南歸旆短章許君備米酒邊
 披句敢言工不解似君禁磚羸鄭獬鄭溪集送李處士南歸 駕車跨馬
 聲嘈嘈長紉澗佩橫滿朝塵埃走趨顏髮老先生久客得無勞夜來氣味
 有秋色歸心閒與秋風高揭竿跨浪好歸去扁舟爛醉眠雲濤力小不能
 薦天子遣詩有意徒曉曉撫州府羅山志樂史訪白陂陳處士 泂溪復
 踐雲雲邊訪道人水聲齊入耳山色來逸身聞君話經濟使我開精神少
 微星在此飛詔何因循 清風不見面白汗如波流走來君洞裏雲樹冷
 颼颼更瀉蒲萄綠千杯沃倒愁魂疑更回首殘熱又為離江湖復集安晚
 堂送繼一郭處士 聖君如堯舜豈無巢與由計然亦何慕五湖一扁舟
 之人久不作側席思巖幽寄聞鹿何君清芬微凝旒重華錫嘉號見一光

水樂齋集卷五辛巳年

林丘誰謂雅道息競風日悠悠脫冠掛神武有士歸東州笑將金閨籍猛
 博處士裘釣天為開顏曰此夷逸偉大書繼一字紅光屬奎婁宸章軼麟
 衮正聲出天球清名獎靜退下視古素戾睿謨廣先憲嫫節追前脩况今
 輯衆雋丞獨登虞周明時樂閒暇出處自不侔赤城宅仙子登陸方蓬洲
 君歸訪司馬坐忘春與秋方瞳照綠髮戲轉黃河流煙霧肅適客隱者應
 輟擾歎乃輔行色春風生柁樓徐鉉騎省集和陳處士在雅丘見寄 衰
 薄喜多幸退公誰與閑高人乘興去相望兩程間卷箔有微雲登樓無遠
 山清談勝題贈何日杖藜還江湖前賢小集李工侍贈周衡處士 湖南
 高尚客處士道隨時地暖移花早天寒放鶴遲爐邊叟藥燈下羽人恭
 自說生涯處新添卷上詩 贈張處士 聞爾閑於琴寢處未嘗輟抱之
 京城來豈與工師列一奏流水聲落指鳴泱泱既曰林壑人安事塵土懶
 張舜民詩贈隣居陳煥處士 福唐陳處士與我對門居生死一爐藥塵
 埃數篋書但知尊有酒莫歎食無魚若論浮生事浮生事總虛韓維南陽
 集送戴處士還廬州 早識浮生妄欣陪達士遊觀心非本有於法尚何
 來袁若林問寺題詩湖上舟還嗟別後夜風雪擁貂裘姚成一雪坡集贈
 徐處士 劔津徐處士湖海盡知名術造句庾妙書研道甲精寒齋留爾

久別驛若為情定。赴秋風約西湖酒。重傾翁靈舒詩贈滕處士。識君戎馬際。今又十年餘。環海繞安息。先生便隱居。清風三畝宅。白日一床書。長是開門掩隣僧。亦不如李忠定公集。漢處士稱衡。稱生抱逸韻。乃是古之狂負才。頗傲物。齒少氣方剛。懷刺遊許下。漫滅竟摧藏。肯從屠沽兒。借面與巾喪。偉哉孔文舉。國寶惜路傍。上書薦一鷄。欲使觀翱翔。振翼雲漢間。永垂虹蜺光。飛兔與腰裏。滅沒不可望。觀其慰辭薦。器識豈易量。平生輕魏祖。縱口成否臧。召令為鼓吏。閤試當改裝。蹠踏初散步。慘遇作漁陽。聲節既悲壯。容態隨低昂。岑年與單絞。裸袒易故裳。卻來坐軍門。畫地聲琅琅。曹瞞點如鬼。嗜殺猶虎狼。縮手不敢動。送與劉及黃。娛賓賦鸚鵡。節奏陵苙黃。援筆不加點。粲然已成章。高才竟為累。蘭麝空餘香。至今鸚鵡洲。葭葦秋蒼蒼。醜哉殺士名。千古不可忘。沈氏三先生集寄贈舒州徐處士。昔愛滿川遊。青林覆幽石。道人携手行。蕭然名山客。誰知隋世路。譬如鷲飛翻。林皋未脫去。紛紛頭欲白。輕負皇人經。猶懷稚川策。幸已棄章帶。速謝功名迹。聊希閉關士。正苦身為役。別來二十日。還丹應有術。毋忘絳囊贈。使我升僊籍。將酬金鏤腕。青綾三萬尺。詩海繪章劉。景文贈賈收處士十韻。君家雪溪上。日食雪溪魚。無錢買釣艇。貌古常有餘。遇人喜

談笑買酒日不虛。浩歌出塵表。白鳥來徐徐。清風入臆臍。散亂床頭書。有琴壞徽軫。淵明意何如。我欲脫塵網。築室鄰君居。有地植松竹。有水種芙蓉。作詩賦生理。起居當和予。相顧可忘老。醉飽遺君諸。贈朱象先處士十龍。前身應畫師。摩詰初自許。咫尺論萬里。宰也少陵與。朱翁趣豈凡。山水忘羈旅。晴窓布風雲。夏木迴炎暑。坐來摧虎頭。興盡禿鷄矩。况其塵外懷。出門皆勝侶。一畫不輕付。俗子吾避汝。能令希世迹。千載得處所。斯人定何如。篋有東坡語。畫以適其意。能文不求譽。皇甫再送蕭處士。惆悵烟郊晚。依然此送君。長河隔旅夢。浮客伴孤雲。淇上春山直。黎陽大道分。西陵儻一帚。應有士衡文。耿思誠華山王處士有書見及賦詩為謝。昔別云當老石房。伴身猶寄鹿皮囊。十年無路陪君語。一日飛書墮我傍。旅宿舊請關月。吟夢閒空想。嶽蓮香。終期共生柯。平石看瀉銀河萬尺長。劉攽詩將過孔處士莊聞處士往許昌不果往。虎門隱士肯浪出。荷蓀丈人行不達。朝陽晝雨霽。復憶香山無路雲。重徐鉉詩送汪處士還點歛。孤雲野鶴任天真。乘興遊梁又適秦。興盡却歸南國去。黃山何謝武陵春。許綸涉齋次詠長韻贈嚴處士。為在青天魚在川。馬牛誰絡更誰穿。過求敢問君平卜。只問皇家一統年。潘道暹詩贈林適處士。

雲翦烏紗霧剪衣存神養氣語還稀人人盡喚孫思邈只恐身輕白日
飛劉後村詩贈魏處士 曾歲王太尉亦諷冠萊公無端兩丞相有愧一
山翁見景迂詩節孝處士徐先生積子仲平 莫怪先生身上貧眼看外
物似浮雲房中除却琴茶後更有門前鶴一群 贈筆處士屠希 屠牛祖
是屠牛坦今日却屠秋元毫自識有心三副健可憐無副一心勞 再遇
筆屠處士 江頭再遇筆屠生共聽去年江水聲三副少多予自窘一毫
去取予能輕 贈筆處士曹忠 筆管子何愛輕圓稱白毫固知今獨妙
舊數浙西曹三四十年前抗有曹州筆見稱於世智圓詩集贈林適處
士 深居猿鳥共忘機荀孟才華鶴氅衣滿砌落花春病起一湖明月夜
漁歸風推野水青蒲短雨過閒園紫蕨肥塵土滿床書萬卷玄纁何日到
松扉僧子騰詩送曹處士歸舊隱 故鄉人別楚江湄高柳新蟬噪落暉
逆旅我慚歸計晚順風君羨去帆飛海門酒美思椰子天塹星寒認少微
遙想到家秋未半水田禾熟鱖魚肥僧惟鳳詩送陳豸處士 筆長關路
微離思更依依家遠知琴在時清買劍歸孤城短角獨樹隔殘輝別有
隣漁釣相迎掃釣磯 寄劉處士 度月阻相尋應為苦雨吟并潭茶味
失地潤痕深鳥背長湖色門間古樹陰想君慵更甚華髮畫方簪 贈

水集卷之三十四

維陽呂為處士 為儒師古道清苦少人知心散暫因酒鬢班多為詩著
書秋閣靜曬藥夕陽遲何必文明代垂釣渭水湄 和張秘校贈吳處士
隱逸思無涯幽居似道家養真類鍊藥徇俗亦栽花引鶴遊山寺看雲
側帽紗兒孫歌酒外誰更羨奢華元王達梧溪集哭呂真惠處士 南園
長林楚西崑片玉英周旋鄉里難終始歲寒盟甲第風塵合瓊溪月露清
義聲驩勇弁私試集文衡屢散千金積還辭七品榮性中天爵重身外野
袍輕柳送浮春鷓花邀晴鶯深期陪几杖俄報舉銘旌世亂嗟新俊秋
高哭老成名公題翠石來尚照華纓錢宰臨安集贈樵隱處士 樵者本
在山隱者亦在山雖言事不同並依林泉間晨興持斧出捫蘿與躋攀向
夕負薪歸落日同掩關流水石上至白雲山中還老樵竟何之我獨忘朝
餐 江湖續集斯植懷芳林處士 相思不可見江路止迢迢煙樹同登遠
關河入望遠畫長花影轉風定篆香銷遠憶君居處鐘聲隔暮潮連百止
詩寄林處士景初 詩書歲月久到老未忘情一自文風變長憂雅道輕
時人空見忘聖主舊知名更有孤高節水霜無此清 二月晦日懷林處
士 相思忽成夢久不到茶窩飛去羽毛短別來風雨多杏花一夜發春
事二分過百尺龍潭上知君意若何劉文簡公集題燕處士劉實從表墓

永樂大典

卷一三四五〇

銘後 一代耆年望千秋處士名。眼中聊遣興身外久忘情。有子迥清範，無人尋舊盟。高風在寥廓，搔首愧平生。其子亦復康，訪此歷不訖。憶鄭處士 隱者俱承詔，斯人獨避名。文章成汨沒，冠蓋絕逢迎。食粥家人瘦，純書弟子清。經旬不見面，相憶每愁生。豫章熊朋來集羽人以處士見招不能從老氏而感其意 天上少微星，人間處士名。自非方外客，誰共歲寒盟。何意大其隱，隨時素以行。吾衰憂冠褐，久矣厭餘生。揚仲弘詩贈方韶父處士二首 蜀郡蘇明允，襄陽孟浩然。成名兼二子，得句詫群賢。口絕人間事，身如物外仙。卓然能有此，未信獨無傳。古賢皆眇邈，不意見斯人。得趣時時好，吟詩句句新。芋舟來訪友，覽勝輒經旬。別業桐山下，歸歟願北隣。東程處士 故人不見十年餘，鴻雁南來得素書。茶吐槍旗迷砌石，竹供編簡塞庭除。詎容煉藥燒金鼎，有待橫經校石渠。江上繫舟將發去，黃山回首重躊躇。陳深源詩次韻謝處士 滄海一相見，重來驚幾春。青燈銷壯志，白髮恕閑吟。野艇此生夢，深雲幾處身。楓橋漫攜手，詩思動江濱。劉仁本詩贈潛德處士 舉世趨榮進，若能獨隱潛。利名雙轉轂，風雨一掀髯。書卷酬黃嬭，琴床夢黑甜。封侯託兵革，談笑出閭閻。任仕林詩謝廣微真人假以自然處士之號 處士猶處子，聲光畏人間。政如

永樂大典卷一三四五〇

十八

豹隱霧又似虬蟠雲，乾坤照孤耿。草樹含幽薰，虛名倘可乞。何以娛斯文，陳了齋集寄壽陽處士李子玉 陶令琴中妙曲，老萊袖裏春風。為問白頭一戲，何如黑髮千鍾。吳萊頌集題永嘉唐氏清節處士卷 永嘉古郡控海隈，東望萬里連蓬萊。龍湫噴天作雪下，鴈蕩拔地穿雲開。自耳逸人此遁跡，表以青節無留埃。吾知出處本一軌，肯使物我長相猜。昔人可任取解隱，圭竇不掃蕪。雀兔醉閑騎驢或市過，吟適放鶴中船迴。今人可隱獨願仕，駕馬並駕駟。喧喧蘭臺文章與世變，梓澤賓客隨塵來。就中好高欲遠引，否則希進將難媒。路途九折足險惡，巖壑千疊多風雷。直從黃流吃砥柱，淨洗黑月收始煤。道義榮華果異趣，夷齊跖躅徒驚鉗。於焉冥心混樛鹿，况復曠眼窮紉垓。春秋裁花色，擁砌伏臘釀黍香。浮杯何山樵蘇採茂蔭，茶水釣泳航灣洄。平居苟求食飲遂，至樂莫問容顏推。伊予頗讀隱逸傳，恨不徑躡烟霞堆。素行傳家即政令，虛名掩實須根荄。晴窓撫卷盡連者，充筆落紙誰詩材。人生大節要礪礪，慎勿枉築懷清臺。劉文簡公集和王詳議處士詩韻 古人白骨秋草枯，藐然節義猶蓬蘆。龍淵化作蛇虺窟，孔稚童牙皆丈夫。姓名聞說處士老，口不敢詰心掖虛。新詩老筆喜入眼，輕財禦寇緩急趨。乃知元氣本無間，季末何嘗殊厥初。我期斯人

如鳳雛百鳥失避竹與梧我期斯人作初月光焰已射郡星躔 漕司知
 事趙文甫持杜止軒處士行卷求諸君作詩處士乃沼水儒者李誠甫思
 忠也其事則輕財赴難焚券御盜乙類言之甚詳姑撮其大槩而為之
 男兒結髮事姬孔沒世無聞蓋聞其處心常在衆人先凡馬馬知渥洼種
 威州聞有豪傑士不待文王策高理財空鉅萬數骨肉身起窮究解紛元
 馮媛甘辭火券名實郎頓失投繩身一身都是仁義氣我始聞之驚且竦
 衰俗靡靡頽波遠著手誰能為陣壘豈期今日有斯人便合高廊佐垂拱
 更看盡展濟時具風采一新天下覺不應猶作處士詩大筆動名有南董
 僧大偉詩贈青山處士 知命甘為閑秀才江湖彷彿似蓬萊一囊祕訣
 仙傳授幾卷新詩錦剪裁豈止胸中貯星斗依還舌上捲風雷青山若是
 生西漢未必君平出得來陳深源詩寄錢塘白處士 千里吟聲動海湄
 夢中曾折五雲芝江山舊識元章字兒女能傳白傅詩古寺對僧楓落夜
 斷橋停棹雪深時美人天際情蕭瑟聊剪芭蕉寄所思楊鐵崖集金處士
 歌并序吳人金可父賢智有才藝而自埋於民衆噴然以處士稱之權貴
 人以丘園科起處士處士絕之曰予幸有虛一區在市關可以避風雨田
 一壘在郭外可以給衣食學聖人之道者可以自樂不願仕也且仕榮利

蘇州古隱君實始虞仲隱居放言合乎清與權次曰澹臺氏言不枝

十九

祿隱樂貞素苟以相易彼此兩乖幸而強合吾不能已乎處士如可父其
 逸而貞者歟故集賢舊老相與署牒錫號曰貞逸會稽楊維禎為之賦詩
 曰 蘇州古隱君實始虞仲隱居放言合乎清與權次曰澹臺氏言不枝
 行不迴未嘗句走諸侯前五噫之夫將其匹黜咍織為業不廢誦與絃亦
 有天隨仙配鵝夷子理釣舡去之五百年求繼者孰賢閩閩古城陰曰有
 處士氏曰金長身而美髯十風局孤古體貌疏且沉家不失歲里不失
 任有餘推與人刑肯爵祿入我心闕下足終南十不貧賤易屈富貴易淫
 故大隱在闕市不在壑與林鳳凰不能引高神龍不能深亦琛人呼為
 處士更加貞與逸號焉知古不如來今吾嗟今之士科隱丘復事王侯行
 無補闕言無裨謀惟祿食是媒十半詭貞而枉詭逸而休以為吾人憂放
 而泛澗恚岳隴羞聞處士風其不泚然在頰豈吾人倚南遊寓興詩寄晚
 香處士 送別南河上西風九月初道人多問訊養德愈謙虛賓客來談
 話兒孫只讀書斯文真眷戀莫遣信音疎 寄處士鄭明道 宛宛霞城
 枕海隅廣文僦屋近河居家貧不給厨中食客至惟談几上書松徑雲關
 時放鶴柳塘波靜日觀魚知君數學羅胃億欲問羲皇未畫初馬虛中霞
 外集贈鶴來丁處士 海鶴傳書謁洞天少微星已照林泉步兵未合判

長醉執戟終懷草太玄清溪一聲孤喚外飛流千仞亂雲邊小山叢桂能
招隱細把觥推問冰仙 次韻贈漱川潘君澤處士 鷲飛魚躍自高深
休影誰知在息陰比似佩弦均緩急何如抱甕絕機心菊籬莫負黃金盞
梅塚曾嗟白玉替僊仰人間今古事成虧久矣悟昭琴王道士竹林清風
集錢竹坡處士其弟梅坡松坡皆處士號賦唐律寄之 先生心跡本雙
清卜築林塘絕世塵結友松梅三處士故懷風月一詩人琴尊竹靜閑居
日。簾幙花香別院春。祇隔片雲不相見。何當採藥話情真雲麓文華次韻
荅范處士見贈 江湖滯沫兩相忘海上空聞姓字香學富自能文郁郁
量宏那在貌堂堂短衣拂髀身何竇弊褐藏珍道逾光邂逅魚龍人海濶
忽驚群鳥見孤凰滕仲禮詩北平薛處士不遇 古人已往不可見得見
斯人尚典刑禮讓雍容孤竹園光明淵耀少微星勝游誰與同三徑雅志
終期續六經會待抽簪訪君去共登熊岳看滄溟 春官楊好禮為雲中
處士周仲和徵詩 雲庵閒說慎許可長句稱君臭味同只道張顛能草
聖豈知東野坐詩窮黃金誰買屠龍伎白屋當期失馬翁未識芝眉段援
筆令人回首望雲中王元渤詩贈鄭處士 鄭君挾術同神巫口談禍福
旁若無有詩過我論堪與百二十刻成須史少年傳食長豐腴晚因白眼

遭柳榆長身不識完袴襦道傍攬飯無飢鳥我疑司命愁侵漁鬼神不貸
行穰除天寒日莫尋長塗問胡不歸始告予還家歲晚無歡娛堂有慈親
雙鬢枯試乞諸侯一宴餘有以遺母終改圖柯山幸有先人廬出遊歲久
田荒蕪歸新青冥親負鉏一杯黃獨三日厨不談性命神舍諸我緣一失
准子藟茅無一把漸妻孥他年小榜歌吳歎呼吸湖光飲芳腴與子終老
同柴車韓明善詩次姜如寄處士韻 六鷲羸羸負人寰濁霧狂塵咫尺
間試上蓬萊望雲氣杏花多處海州山元朝風雅陳同秋寄陳處士 杏
桃落盡清明後姚魏開時穀雨中為問西湖陳處士青梅煮酒有誰同釋
大訢詩寄西山李處士 每憶西山水竹居秋風林影夕陽疎江湖正自
無知己底用嫌人索報書劉秉忠詩訪處士不過 鎖戶蒼烟結翠苔青
松未老菊新開問言處士採蘭去更待迴時移竹來 山水分明圖畫展
烟霞散處洞壺開何須更見幽人面覽此還家不漫來揚叔能小身兼贈
衛處士 甘石書存情不知老來更與世相違夜涼天雨清如水嘗欲因
君識少微熊朋來詩錢舜舉畫西湖處士并詩 一重一鶴隱孤山能畫
能詩有老錢湖上風流今已矣梅邊香影想依然程重樓詩題召秀才孟
陽處士詩卷 孟陽處士入京師身著山中舊補衣坐對王侯常極論行

逢水石忽如歸。韓康賣藥逃名姓。陶令休官覺是非。何似行藏隨所遇。無
心處處可忘機。張思廉詩寄何九處士十韻。聞道遷新業。灌家原上春。
連床兼珍玩。素載束圖書。臘水春前醖。晴泥雨後蔬。琴清花院靜。茶響竹
窓虛。紀層忘秦漢。微祖絕吏胥。浮鷗孤艇棹。健犢短轆車。綠樹行琴罷。黃
庭坐對餘。山林真必問。鐘鼎待何如。情已裁皇上。時方雜霸初。觸蠻兩
角。天地一蘧廬。鄧善之詩挽周處士。藉藉唐朝故相孫。曾聞華俾掃千
軍。蟄龍未燒春魚尾。宿霧空藏老豹文。韓子無端遭鬼瘡。樂城有誌作先
墳。墨潭烟水殷山月。日斷清秋不見君。國朝僧宗泐詩。辛亥歲程處士見
過常熟別墅臨別賦詩。獻歲春未回。風雨連十日。某村少朋儕。窮巷絕
人迹。程君泛扁舟。茅齋破幽寂。遠未見真情。疑言忘永夕。願惟艱難際。出
處各有後。世紛日相纏。誰能念嗜昔。荷香竹外風。蕙氣林間雨。長歎不逢
人。幽懷浩如許。白雲不辭山。流水常在壑。冉冉木葉零。紛紛桂花落。目觀
物華變。始知秋氣薄。留連白駒調。惆悵招隱作。晴雲泛林光。寒風振谷響。
道進亭上遊。遂此幽居賞。佳士期不來。日日成獨往。偃仰丘仲琴。悠然起
遐想。隱士 莊子外篇繕性古之所謂隱士者。非伏其身而弗見也。非閉其
言而不出也。非藏其知而不發也。時命大謬也。當時命而大行

水樂齋卷一萬幸曹幸

主

乎天下。則反一無迹。不當時命而大窮乎天下。則深根寧極而待此存身
之道也。抱朴子逸民篇。隱遁之士。則為不臣。亦宜居君之地。食君之穀。
乎。宋史高宗紀。紹興九年。命周幸方度實菟訪隱士。為明史實錄。後漢
許寂仕偽蜀。王衍至。平章事。隨衍入洛。為工部尚書。致仕。卒。頗好吐納。修
鍊之術。蜀人呼為黃扉隱士。齊何遜。父鏐。以風疾害。點母王氏坐死。點感
家禍。欲絕昏宦。祖尚之。強為娶琅琊王氏。禮畢。將親迎。點累涕泣求執本
志。遂得罷世。稱孝隱士。南史宋何點。字子皙。性率好狎人物。遊遊人間。或
乘柴車。躡草屨。恣心所適。致醉而歸。故世論以點為孝隱士。弟胤。為小隱
士。晉書董景道傳。董景道。弘農人也。永平中。知天下將亂。隱於高洛山。水
木葉。食樹菓。彈琴歌笑。以自娛。毒蟲猛獸皆繞其傍。是以劉元海及聽屢
徵。皆礙而不達。至劉曜時。出山廬于涓汭。曜徵為太子少傅。散騎常侍。並
固辭。竟以壽終。補筆談。李後主常自號鍾山隱士。或云。凡畫中題鍾隱筆
者。皆後主自畫。特晦其名。非姓鍾人也。開元天寶遺事。太白山有隱士郭
休。字退夫。有運氣絕粒之術。於山中建茅屋百餘間。有白雲亭。煉丹洞。注
易亭。修真亭。朝玄壇。集神閣。每於白雲亭與賓客看山禽野獸。即以槌擊
一鐵片子。其聲清響。山中鳥獸聞之。集于亭下。呼為吳鐵。南康志。唐元集

永樂大典

卷一三四五〇

虛河南人。入五老峯。臨相思澗。居焉。足不至城市。元和中。白居易訪之。題其亭云。依君不喜仕。又不遊州里。今日到幽居。了然知所以。宿君石溪亭。潺湲聲滿耳。飲君螺杯酒。醉卧不能起。見君五老峯。益悔居城市。愛君三男兒。始歎自無子。余方墟峯下。構室為居士。山北與山南。往來從此始。自是數相往還。願翽隱白鹿洞三十年。孟賓于詩云。園林蕭洒聞來久。欲訪因循二十秋。今日開襟吟不盡。碧峯重疊水長流。為謝作也。唐書田游巖隱嵩山。頻詔不起。高宗幸嵩山。親訪巖家。帝嘗奉天宮游巖舊宅。直宮左。詔不聽。天子自書榜其門曰。隱士田游巖宅。虛巖用傳巖用能屬文。舉進士不得調。乃隱終南少室二山。學練氣為辟穀。附太平公主。始隱山時。然有意當世。人目為隨駕隱士。司馬承禎嘗召至闕下。將還山。虛巖用指終南山曰。此中大有嘉處。答曰。以僕視之。仕宦之徒。得巖用。漸後進尚書右丞。晚乃徇權利。務為驕縱。素節盡矣。太平廣記。虛巖用徵拜左拾遺。遷尚書右丞。與陳伯玉。趙貞固友善。隱居之日。頗以貞白自銜。往來于少室終南二山。時人稱隨駕隱士。釣磯立談。山東有隱君子者。素負傑人之材。與昌黎韓熙載同時南渡。初以說于宋齊丘。為五可十必然之論。犬抵多指湯武伊呂事。齊丘謝曰。子之道大。吾懼不能了此。因引以見烈祖。

永樂大典卷一三四五〇

五

曰。江南之埒如覆甌。子幸何以教我。對曰。昔關中父老語劉德興云。長安千門萬戶。是公家百姓。五陵聯絡。是公家墳墓。捨此將欲何之。故小人亦以是為朋。使君願倘不能拓定中土。王有京雒。終不足言也。烈祖頗喜其言。然以南國初基。未能用也。遂擢為校書郎。廉以群從事。推非其所欲也。於是放棄泉石。以詩酒自娛。及嗣主登位。韓叔言表薦其名。召將用之。見于便殿。曰。臣草野之人。漁釣而已。邦國大計。非臣所能知。嗣主賜以酒。飲即徑醉。溺於殿陛之下。上笑曰。真隱士也。賜五畝以遺之。遂卒不仕。錦繡萬花谷皮日休為鹿門隱士著書六十篇。資治通鑑後唐潞王紀。清泰二年。荆南節度使高從誨。性明達。親禮賢士。委任梁震。以兄事之。震常謂從誨為郎君。楚王希範好奢靡。游談者共誇其盛。從誨謂僚佐曰。如馬王可謂大丈夫矣。孫光憲對曰。天子諸侯禮有等差。彼乳臭子。驕侈僭汰。取快一時。不為遠慮。危亡無日。又足慕乎。從誨久而悟曰。公言是也。他日謂梁震曰。吾自念平生奉養固已過矣。乃猶去玩好。以經史自娛。省刑薄賦。境內以安。梁震曰。先生待我如布衣交。以嗣王屬我。今嗣王能自享不墜其業。吾老矣。不復事人矣。遂固請退居。從誨不能留。乃為之築室於土洲。震披鶴氅。自稱荆臺隱士。每詣府。跨黃牛至聽事。從誨時過其家。四時賜子。

甚厚自是悉以政事屬孫光憲孫光日孫光憲見微而能諫高從誨聞善而能徙梁震成功而能退自古有國家者能如是夫何亡國敗家喪身之有趙希備會心錄隱士蘇雲卿廣漢人與張丞相德遠為故交五路之陷避地灌園於南昌東湖之上人稱之為蘇公負鋤抱甕無頃刻怠四時之蔬無缺鬻之易書夜則織履履堅而良人競買之然莫知其為士者一日張公移書帥漕以訪求蘇雲卿為祝且致書幣兩司物色久而未得一日聞其所居微服過人與語頗款延入其廬煮茶飲客案間亦有西漢書一二冊良人客吐實以張公書幣授之蘇色變溫見二公欲邀致授館解以翌日上謂明日候之不至令人造其廬廬空無人獨所委書幣緘封如故在焉顏說真宗祀汾陰登山望林麓中有亭檻乃隱士魏野居嘗遣使召之野方鼓琴教鶴舞聞使至抱琴踰垣遁去上嘆美江少虞題苑陳搏燕郡真源人與老聃同鄉里生嘗舉進士不第去隱武當山九室巖辟穀煉氣作詩八十一章號指玄篇言修養之事後居華山雲臺觀多閉門獨卧經累月至百餘日不起周世宗召至闕下命於禁中扁戶以試之月餘始開搏熟寐如故甚異之因問以神仙黃白修養之事飛昇之道搏曰陛下為天下君當以蒼生為念豈宜留意於獨全乎世宗弗之責放還山命長史

永樂書卷萬年書

五

歲時存問訖太祖朝未嘗召太宗即位再召之雍熙初賜號希夷先生為修所居觀留闕下數月多延入宮中書閣內與語頗與之聯和詩什謂宰相宋琪等曰陳搏獨善其身不干勢利真方外之士入華山已四十年計其年近百歲且言天下治安故來朝覲此意亦可念也遣中使送至中書琪等問曰先生得玄默修養之道可以授人乎曰搏遁迹山野無用於世神養之事皆所不知亦未嘗習煉吐納化形之術無可傳授擬如白日昇天何益於治聖上龍顏秀異有天人表洞達古今治亂之肯真有道仁聖之主正是君臣合德以治天下之時勤行修煉無以加此琪等上其言上覽之甚喜未幾放還山端拱二年夏令其徒買德於張超谷鑿石室室成手書遺表曰臣搏大數有終聖朝難戀於七月二十九日化形於蓮花峯下張超谷中緘封如法至期卒于石室中啟封視之乃預知也死七日肢體猶溫有五色雲閉塞洞口終月不散見楊大公談苑陳搏周世宗嘗召見賜號白雲先生太平興國初召赴闕太宗賜御詩云曾向前朝出白雲後來信息杳無聞如今若肯隨微詔總把三峯乞與君先生服華陽中草屨垂緜以賓禮見賜坐上方欲征河東先生諫止會軍已與今寢於御園兵還無功百餘日方起恩禮特異賜號希夷屢與之屬和久之辭歸還

詩以見志云草澤吾皇詔圖南擣姓陳三峯千載容四海一閑人世態從來薄詩情自得真乞全康鹿性何處不稱臣上知不可留賜宴便殿宰臣兩禁赴坐為詩以寵其行也通水燕談真宗時陳擣被詔赴闕下間有士大夫詣其所止願聞善言以自規誨陳曰優好之所勿久戀得志之處勿再往聞者以為至言俗游雅錄錢文僖公惟濱生貴家而文雅樂善出天性晚年以便相留守西京時通判謝絳掌書記尹洙留府推官歐陽脩皆一時文士游宴吟詠未嘗不同洛下多水竹奇花凡園圃之勝無不到者有郭延卿者居水南少與張文定公呂文穆公遊累舉不第以文行稱於鄉閭張呂相繼作相更薦之得職官然延卿亦未嘗出任葺園亭藝花足迹不及城市至是年八十餘矣一日文僖率僚屬往遊去其居一里外即屏騎從腰輿張蓋而訪之不告以名氏洛下士族多遇客眾延卿未始出蓋莫知其何人也但欣然相接道服對談而已數公踈爽聞明天下之選延卿笑曰陋居罕有過從而平日所接之人亦無若數君者老夫甚慙願少留對花小酌也於是陶榘米藪而進文僖愛其野逸為引滿不辭既而吏報中牌將史牙兵列中庭延卿徐曰公等何官而從吏之多也尹洙指而告曰留守相公也延卿笑曰不圖相國肯顧野人遂相與大笑又

水樂齋書事

言

曰尚能飲否文僖欣然從之又數杯延客之禮數杯盤無少加而談笑自若日入辭去延卿送之門顧曰老病不能造謝希勿訝也文僖乘車茫然自失胡日語僚屬曰此真隱者也彼視富貴為何等物耶歎息累日不止劉孟節先生築青州壽光人少師神放為古好學酷嗜山水而天姿絕俗與世相齟齬故久不住晚乃得一名亦去為吏慶曆中朝廷以海上岨嶠山震逾年不止遣使求遺逸安撫使以先生名聞詔命之官亦不就青之南有冶源昔歐冶子鑄劍之地山奇水清傍無人烟叢筠古木氣象幽絕富韓公之鎮青也知先生久欲居其間為築室泉上為詩并序以踐之曰先生已歸隱山東人物空且言先生有志於民不幸無位不克施於時將著書以見志謂先生身雖隱其道當與日月雷霆相震耀其後范文正公文潞公皆優禮之欲薦之朝廷先生懇辭二公亦不敢強以成其高尚先生少時多寓居龍興僧舍之西軒往往憑欄靜立慨想世事戲呼獨語或以手拍欄干嘗有詩曰讀書誤人四十年幾回醉把欄干拍可馬溫公詩話所載者是也田微君告字象宜為學好文理致高古嘗學詩於希夷先生先生以詩授之故詩尤清麗平居寡薄志在經世太祖建國恩得異人詔詣公車會奔父喪久之東遊過濮正王元之舍元之貽書勉進

永樂大典

卷一三四五〇

其道會大河決溢。君推蘇禹之所治著禹元經三篇將上之不果。已而得
水樹於濟南。明水將隱居焉。因致書徐常侍鉉質其去就。鉉答曰。負鼎扣
角。願廬築金。各因其時。不失其道。在我而已。何常之有。遂決高蹈之計。發
易筮之過。睽。因自號睽史。從之學者常數百人。宋維翰許家取其高第。二
子登朝。盛稱其師。淳化中。韓丕言於天子。召君赴闕。詔書入門。而卒。其後
文多散墜。皇祐中。濟南崔書晚伯哀其遺逸。得四十八篇。折為二卷。又次
其出處為睽史別傳云。邢博雍丘人。以學術稱於鄉里。家居不仕。真宗
末。以布衣召對。問以治道。博不對。上問其故。博曰。陛下東封西祀。皆已畢
矣。臣復何言。上悅。除試四門助教。遣歸。博衣服居處一如平日。鄉人不覺
其有官也。既卒。人乃見其勅與廢紙。同束置屋梁間。不水比。聞。康定間。
益州書生張俞嘗獻書天子。由是朝廷知其名。然不喜仕官。常隱於青城
山白雲溪。時樞密使田况守成都。日與詩曰。深慙蜀太守。不及採芝人。又
謂僚佐言曰。斯人用之。便作正言司諫。不用之。則巖谷之病。史耳。有文三
十卷行於世。韓丕少遊學嵩山間。性質朴刻。勵著名於時。作感秋詩三
十篇。人多傳誦。後為翰林學士。太宗召問。當時筆派頗有遺逸否。以萬適
揚朴田誥為對。上恚。令召之。而誥詔下。乃卒。朴至。召對。自言不願仕進。賜

水樂大卷萬字書

字五

束帛。遣還。與一子出身適。暇後至閤門。拒之。不得見。居京城半年。僅至寒
餓。丕又出翰林。因表言其事。詔以為廬州慎縣主簿。命下。數日。辛。朴善歌
詩。每乘牛往來。郭店自稱東里遺民。嘗杖策入嵩山窮絕處。苦思為歌詩。
數年得百餘篇。而田誥歷城人。好著述。聚徒數百人。頗有進士。舉顯達。稱
其師。名聞於朝。中宗維翰許家。皆其弟子。誥所著書百餘篇。世亦傳之。大
率迂濶。每注思必匿深草中。絕不聞人聲。俄自草中躍而出。則一篇成矣。
种放字明逸。河南洛陽人。父故吏部令史滿。調補長安簿。卒官。放七歲
能屬文。既長。父勗令赴舉。放辭以業未成。不可妄動。父卒。兄數人皆從賦。
放與母隱終南山。豹林谷。結草茅為廬。以講習為業。後生多從之。學問特
其束脩。以自給。著書十卷。人多傳寫之。工為歌詩。亦播人口。宋維翰為陝
西轉運使。表薦之。太宗令本州給裝錢三萬。遣赴闕。量其才。放用。放詣府
受金。治行素。與張賀善。賀適自秦州從事。公累免官。居京兆。詣賀謀其事。
賀曰。君今赴召。不過得一簿尉耳。不如稱疾。俟再召。而往。當得好官。放然
之。即託賀為奏。草稱疾。太宗曰。此山野之人。亦安用之。令本府歲時存問。
不復召。其母甚賢。聞有朝命。志曰。常勸汝勿聚徒講學。身既隱矣。何用文
為。果為人却。而不得安處。我將棄汝。深入窮山矣。放既解疾。母恚取其筆

永樂大典

卷一三四五〇

硯焚之與放轉請窮僻人迹罕至後母卒無以葬遣僮奴持書于錢若水
宋湜若水湜同上言以為先朝嘗加召命今貧不能葬母欲以私覲是掠
朝廷之美詔京兆府賜錢三萬帛三十疋粟三十石咸平末張齊賢知京
兆府表薦召為左司諫直昭文館賜五品服宋大事記講義雍熙二年召
隱士种放不至人言太極圖周濂溪得之种明逸明逸得之穆伯長伯長
得之陳希夷希夷得之圖邵康節得之李挺之挺之得之穆伯長伯長得之
陳希夷希夷謂希夷隱者長於數學而未必長於理學者也濂溪之圖太極
康節之圖先天此皆二公自得之學蓋青出於藍而青於藍者也咸平
五年九月授种放官先是詔赴闕命為右司諫直昭文館明年復還山有
譏放循默者上曰放為朕言事甚衆但外庭未知耳因出所上時議十三
篇祥符五年六月賜隱士林逋粟帛當天下無道之時而隱者此當隱
而隱者也當天下有道之時而隱者此不當隱而隱者也若种放林逋諸
公其不當隱而隱者也豈生於野者不願為公侯國初風俗淳厚若此乎
然當人主求賢下士之時而卓然有高士清風義槩豈不動人主歆慕之
心一四皓不仕可以植西京節義之風一嚴光不出可以植東都節義之
風孰謂隱士無益於世哉續通鑑長編仁宗慶曆七年汝州龍興縣孔子

永樂大典卷一三四五〇

五

四十六代孫孔叡隱居縣之龍山汝陽城孤潔喜讀書有田數百畝賦稅
常為鄉里先遇歲飢分所餘周不足未嘗計有無聞人之善若出於己動
止必依禮法塚所居百里人皆愛慕之見叡于路輒歛衽以避葬其父廬
墓三年卧破棺中日食米一溢廬間生紫芝數十本州以行義聞上賜粟
帛又給復其家盜嘗入叡家發其康粟叡避之縱其所取嘗逢羸弱者為
盜奪其貨叡追盜與語責之以義解金昇之使歸所掠居山未嘗建毒蛇
虎豹或謂之曰子母夜行此亦可畏叡曰無心則無所畏晚年惟玩易老
淨筆四書他書不復讀為太元圖張壁上一曰易所謂寂然不動者與此無
以異也悅生隨抄東坡至黃州遊一隱士相見但視傳舍不言而去東坡
曰豈非以身世為傳舍相戒乎因贈以詩末云士廉豈識桃雖妙妄意稱
量未必然此蓋用朱挑雖故事也高士廉備禮請見之語不答燈目而去
士廉再拜曰祭酒其使我以無事治蜀耶乃簡條目州遂大治東坡用事
之切當如此皆取隱士相見不言之意也巖下放言楊朴魏野皆咸平景
德間隱士朴居鄭州魏野居陝皆號能詩朴性癖常騎驢往來鄭圃每欲
作詩即伏草中冥搜或得之則躍而出適遇之者無不驚真宗祀汾陰過
鄭召朴欲命之官即問卿來得無以詩送行者乎朴揣知帝意諤云無有

惟臣妻一篇。帝使誦之。曰。更休落魄貪杯酒。更莫猖狂愛做詩。今日捉將官裏去。這回斷送老頭皮。帝大笑。賜束帛。遣還山。野和易通俗。人樂從之。游。王魏公嘗圖尤愛之。野亦數相聞。無間。天禧末。魏公屢求退。不許。適野寄以詩曰。人間宰相惟三載。君在中書四十年。西祀東封俱已了。好來平地作神仙。魏公函袖以聞。遂得謝。扑死無子。而野有子開。能襲其父風。年八十餘。亦得長生之術。司馬溫公陝人。開死為誌其墓。故世知野者多。而扑無甚聞。然皆一節之士。世競於進取者。不可時無此曹。一二警勵之。與指嵩少為仕塗捷徑者異也。葉石林避暑錄。崔唐臣。閩人也。與蘇子容。呂晉叔。同學相好。二公先登第。唐臣遂罷舉。久不相聞。嘉祐中。二公在館下。一日忽見。艤舟汴岸。坐於船窓者唐臣也。亟就見之。避與歸。不可問其別後事。曰。初倒篋中有錢百千。以其半買此舟。往來江湖間。所意所欲。往則從之。初不為定止。以其半居貨間。取其贏以自給。粗足即已。不求有餘。差愈於應舉。覓官時也。二公相顧太息而去。翌日自局中還。唐臣有留刺。乃携酒具。再往謁之。則舟已不知所存矣。歸視其刺之末。有細字小詩一絕。云。集仙仙客問生涯。買得漁舟度歲華。按有黃庭專有酒。少風波處便為家。訖不復再見。頃見王仲弓說此。澗泉日記。靖康元年四月乙巳。少宰兼

水集卷之三

七

中書侍郎吳敏言布衣江端友。隱居京城東郊。素有高行。當圍城時。上書論事甚衆。終不肯一至公卿之門。伏望特加官使。以風四方。詔以為承務郎。賜同進士出身。東南記。聞明月先生成守祖家鄂州。淳熙間。錄鶴弁任某處巡檢。忽解官。棄妻子。從廬山李麻鞋為師。至富川。居西山道堂之左。偏行通衢。為乞士。凡十餘年。一日無疾交坐而化。書片紙曰。七十餘年一夢間。棄名入道。得安閑。隨緣日月街頭叫。鬧市難居却入山。周草窓先生記。鄧牧。心名牧。葉本山。諱友林。字去文。兩先生皆高節士。宋亡。深隱大滸山。鄧先生於古文尤精。藪不苟作。承其學者。與李道坦。字坦之。坦之詩亦工。然傷

於巧云

詩文

文苑英華范鎮擬招隱士賦 修竹苞生兮山之峯。縹紛歲難兮

下一作不交陰。古木龍藪兮。龜裁川澤。決瀉兮雲霧。多悲後鳴。標兮。嘯倚侶。攀條折芳兮。聊延佇。夫君兮不還。蕙華兮彫殘。歲晏兮憂未開。既作。則草蟲鳴兮。淒淒蕭兮。森兮玄。洞深。悵傍。皇兮。沉吟。紛紛。一作紛。紅。兮。菴。葢。一作。嗒。候。窮。巖。穴。兮。熊。窟。幽。林。杳。冥。兮。吁。可。畏。歛。蓋。兮。噓。噓。爰。裁。兮。傾。歎。飛。泉。兮。激。沫。散。漫。兮。淋漓。弱。蘿。兮。脩。葛。亘。蔓。兮。長。枝。緣。嶺。兮。被。崖。

隨風兮紛披，狂獸兮封狐。耽兮視，余扶藤兮直上。巖巖兮疑疑，一作擬
孤。霏霏兮敷敷，赤豹兮文狸。攀騰兮相追，思慕公子兮心遲遲。寒風勵兮
鳴，泉吟鳥悲鳴兮難其群。公子去兮誰與親，行露厭兮似中人。唐虞間
府詩同，王褒奉和趙王隱士。洛陽徵五隱，東都別二賢。雲氣浮函谷，星
光集潁川。霸陵采樵路，成都賣卜錢。鹿裘披狷裂，梨床坐欲穿。阮籍唯長
嘯，嵇康訝一絃。澗險無平石，山深足細泉。低松猶百尺，少鶴已千年。野鳥
繁絃轉，山花燄火然。雖無亭長識，終見野人傳。奉報窮秋寄隱士。五
倪奉齒缺，桀溺遇長沮。黎公負日卧，麥隴帶經鋤。自然來木几，無名科斗
書。聚花聊飼雀，穿池試養魚。小徑治澀路，低田補壞渠。秋水牽沙落，寒藤
抱對踈。空枉平原騎，來過仲蔚廬。許渾詩題灞西駱隱士。磻溪連灞水，
商嶺接秦山。清漢不回駕，白雲長一作空掩關。雀喧知鶴靜，鬼戲識一作
覺鷗閑。却笑南昌尉，悠悠城市間。李中詩寄廬山莊隱士。煙蘿擁竹關，
物外自求安。遙枕溪聲近，當簷岳色寒。藥苗應自採，琴調對誰彈。待了浮
名後，依君共掛冠。王無功詩廬山平宅賦。古題得某杖隱士。某杖尋隱
士，行行路漸賒。石梁橫澗斷，土室映山斜。孝然縱有舍，威葢遂無家。置酒
燒枯葉，披書坐落花。新乘滋水釣，舊結茂陵罝。歲歲長如此，方知輕世華。

永樂堂集卷之四十五

三

宋冠準已東集和趙清監丞贈隱士。不愛替裙陪盛列，終年深隱養天
機。靜聞風雨眠，魚艇閑楫林。泉掛道衣門，接水村多野。色鶴當莎徑，立殘
暉。高吟幽賞無羈束，始覺趨時事事非。贈隱士。夫子住東野，經年不
到城。愛吟無俗趣，貧靜得閑名。荒徑侵山影，虛堂出燕聲。我慙為俗吏，泉
石負幽情。夫子才名重，貧居志未勞。吟當寒夜苦，閑到白頭高。心地通
禪寂，田園近海濤。不知千載後，誰更續離騷。張詠詩送別祝隱士。龍鍾
塵滿衣，特特叩柴扉。暫慰經年別，人驚千里歸。山川秋末後，風雪馬來稀。
莫便長休去，明時待發揮。蔡九峯詩贈武夷熊聖功隱士。里閭皆華族，
雲山獨草廬。非求龍虎鼎，爰傍聖賢居。石簣千尋直，溪涵萬頃虛。文公精
爽在，風月夜何如。王東牟先生集紹興庚申解官廬陵留別歐陽隱士。
梅雨翳江浦，我來初識君。俯仰寒暑移，幾親芝蘭本。何心悠然蕩，
清芬不妨識。度高解使靜，踪分我從困。飄泊朋從少，知聞投足自失所。造
化本無根，妻兒憚遠寓。豈復辨猶薰，顧惟鄙野性。樂此川原尊，時觀前古
俗。家傳付兒孫，常疑百年餘。下派名尚存，漸非撥煩手。未能解紛紜，虛懷
飽暖戀。有媿民吏勤，無乃桐鄉夫。或可卑後昆，脫身亦由人。孤翥隨鸞騰，
豈不快宿願。誰能用籠樊，他年方外士。相期同策勳，李復清水集謁隱士。

永樂大典

卷一三四五〇

既度 人生何少謀常苦飢寒侵裘完軌有坎於世澹無心採室青澗曲
窈窕幽徑深閉門長松下歲無車馬音古書東高閣兀然遺履簪悠悠不
記年日月徒光陰兒童城市還得酒或自斟隱几望南山閑雲起孤峯
贈吳德秀隱士以來韻 不計無成與有成但能償足百年心喜營美釀
多栽林廣蓄奇書盡散金三代遺文鍾鼎古五湖秋意畫圖深超然真趣
誰能識目送孤鴻撫素琴陸羽劍南續葉寄隱士 孔寶寒猶滴巖扉夜
不為奇書窺鳥跡靈藥得人形浩浩天風積冥冥海氣青僕逢王內史更
為乞黃庭吳仲孚詩贈隱士 晦迹雲巖日久長唐人冠帽道衣裳草堂
夜月琴聲細花鴉春風杖屨香飲酒旋尋瓢作盞架書高杏石為床客來
總是詩朋友一笑人間萬事忘潼川志魯叶隱士 深入煙霞谷峯巒是
四鄰夜唯餐白石晝不識紅塵尼父許求志伯陽交養神生涯無別物蒸
杖與妙中 贈隱士 一室高山頂多年靜遠關乾坤饒不老日月與長
閑庭鶴同興寢虫猿伴往還却因詩句累名姓落人間清源阮琦詩懷隱
士 春近曉寒峭携壺諧遠尋江山懷隱士風日淡高林白鹿已無迹清
泉猶見心倚梅誦佳句疑在碧雲深葉水心詩贈巖電隱士 近時術人
多莽蕩要把虛名隨妄想神玉雖云形不拘尺直須防尋有枉從來鍾鼎

永樂齋書畫印

元

無山林老去豈復少年心若言部位許彫闕已早騰踏非埋沉李彭詩貽
王充道隱士 憶昨浩翁虎溪別鴈來一字不曾收勞君為傳三月信遺
我少寬十斛愁煙艇方遊建業水玉人猶在仲宣樓何時掛席西湖去慕
杖青鞋鸚鵡洲元王沂奇王 顏隱士 南園分首記當年東郭文星遠
避躓機事抵生鷗閣下徵書不到鹿門邊中國歲取禾三百美酒時煩斗
十千倘憶幽禽能喚客還家留取杖頭錢劉文貞公詩寄空山隱士 一
舉雲霄笑陸沉誰能鍾鼎似山林潭金自入青青眼轉石難酬赤赤心彩
筆懶題鸚鵡賦朱絃閒奏鳳凰吟柳鶯啼破南窓夢桃李不言春又深王
暉秋澗集送姬仲實隱士北還 紛紛末術例從諛邂逅淇南論有餘買
傳自怜多感慨東門何意泥孤虛雨連賓館留三宿天遣幽懷為一抒竟
我曾中間未有九峯新說層家書元半一作一片吳舜舉詩贈宋隱士
疎茅見說向雲邊按上時鳴別鶴弦晴嶠米芝秋稍稍晴軒酌酒月娟娟
閒門地迴人歸掩坐榻塵清客去縣我政多情念鄉井可能無計戀林泉
丁繼道詩寄劉長卿隱士 梅花伴我吟身閑山中隱者時追攀人生聚
散別離苦春風吹鶴歸鄉山僧盤谷遊山集隱士 新藥歸來山日斜芒
鞋竹杖緜雲霞蘿窓一榻松風外石鼎寒泉自煮茶連百正詩贈隱士

永樂大典

卷一三四五〇

不隱山林隱市廛半生活計此書田可憐世上無楊子誰識雄心在太玄
黃彦清集秋林隱士圖 巖高半掩白雲深木葉蕭蕭秋滿林便欲操舟
過溪去一窓明月聽彈琴國朝非空上人集贈陳自新隱士歸新安 十
月飛霜滿洞庭官河水上放船行山連虛阜雲屏疊江入新安雪練明萬
里冥鴻歸正遠九臯獨鶴步頻驚人

逸士

馬明史實賓錄晉左思為
三都賦徵士皇甫謐為之

生不是傷離別白髮何從頭上生
序陳留衛瓘文為思賦作解略曰余觀三都之賦言不苟華必經典要品
物殊類秉之固藉解義環瑋良可貴也有晉徵士皇甫謐西州之逸士枕
藉樂道高尚其志覽斯文而慷慨為之東序晉伍朝少有雅操閑居樂道
不修世事性好學召不就尚書郎胡濟奏曰朝游心物外不肖時務守靜
衡門志道日新年過耳順而所尚無忘誠江南之奇才丘園之逸士也晉
書孫惠傳成都王穎引惠為大將軍參軍領奮威將軍白沙督時穎將征
長沙王義以陸機為前鋒都督惠與機同鄉里憂其致禍勸機讓都督於
王粹及機兄弟被戮惠甚傷恨之惠又擅殺穎牙門將梁萬懼罪因改姓
名以遁後東海王越舉兵下邳惠乃詭稱南嶽逸士秦秘之以書于越
以為記室參軍專掌文疏魏書列傳 隍夸 馮亮 李謐 鄭修詳本

永樂大典卷一三四五〇

三十

姓蓋兼濟獨善顯晦之殊其事不同由來久矣昔夷齊獲全於周武華喬
不容於太公何哉求其心者許以激貪之用督其迹者以為束教之風而
肥適不及代有人矣夷情得喪忘懷累有比夫過德弘道匡俗庇民可得
而小不可得而忽也自叔世澆浮淳風殆盡雖刀之末鏡入成羣而能冥
心物表介然離俗望古獨邁求友十齡亦異人矣何必御霞乘雲而連日
月窮極天地始為超遠哉今錄隍夸等為逸士傳新安續志張珏字公子
婺源人進朝請郎建炎三年從朱弁使金還高廟優詔迎勞珏以病累章
乞歸世居溪之東環宅多竹其歸也上書竹溪逸士賜之一時名士推重
焉廉州府合浦志陳諱字音郡才甫字卓夫德行為鄉推服以節操自
守不就科舉壽百餘歲淳熙十一年恩封建功郎淳熙壬子郡守沈杞
下車優老待賢作詩延見自守倅以下皆郊迎之唐高僧詩尚顏寄劉逸
士 無愁無累者偶向市朝遊此後乘孤艇依然入亂流高眠歌聖日下
釣坐清秋道不離方寸而能混俗求宋陳郁詩贈東華老真鍾逸士 衣
冠涼薄亦端嚴為到貧時解養廉京洛家風今尚在宗王恩禮舊曾沾
高堅白囊無底詞縱題紅筆退尖自說學仙曾有過欲歸巖壑理抽添詩
海繪章滕先生贈劉逸士歌 瀟湘霞卧酒家優哉游哉劉子華登樓笑

殺銀蝦蟆。有水走却金老鴉。一生落托行天涯。鬢鬢不管霜。菱花李白狂。
 欄街傲。真風吹落盡嘉帽。漁村酒熟不待報。江亭花發長先到。見說南尋
 清景時。過石水。登石梯。雲峯頂。觀華夷。幾散石木兒。推倒石賢碑。或揮
 白雪曲。冠掛高松枝。數年間。我窮章句。醉拖櫛。搥來敲戶。纔得新詩。便言
 去。千留萬
 留留不住。

永樂大典卷之一萬三千四百五十

永樂大典卷之一萬三千四百五十

十一

重錄總校官侍郎 臣 蔡高雷

學士 臣 胡正蒙

分校官編修 臣 孫鈺

書寫儒士 臣 倪昭

周照監生 臣 林氏表

臣 董子翰

永樂大典

卷一三四五三

重錄總校官仲群王家馮雷

學士王胡士象

分校官修撰王馬自強

書寫儒士王劉齊

副庶監王王李莊

臣蘇世慈

永樂大典

卷一三四五一